

孟東野詩目錄

山南西道節度參謀試大理評事平昌孟郊

第一卷

樂府上

列女操

長安羈旅行

送遠吟

古離別

靜女吟

山老吟

灞上輕薄行

長安道

古薄命妾

古雜怨三首

歸信吟

遊子吟



小隱吟

苦寒吟

猛將吟

傷哉行

古怨

湘絃怨

楚竹吟

遠愁曲

貧女詞

邊城吟

新平歌

殺氣不在邊

結愛

絃歌行

覆巢行

出門行二首

湘妃怨

巫山曲

巫山高

楚怨

塘下行

臨池曲

車遥遥

征婦怨四首

空城雀

閑怨

羽林行

古意

古別離

游俠行

黃雀吟

有所思

求仙曲

嬋娟篇

南浦篇

清東曲

第二卷

樂府下 感興上

織婦辭 已下樂府

古意

折楊柳二首

塞上吟

古怨別

古別曲

樂府三首

附陸長源荅

勸善吟

望夫石

寒江吟

感興上

審交

已下感興

怨別

百憂

路病

衰松

遣興

退居

一作老退

卧病

隱士

獨愁

一作獨怨

春日有感

將見故人

傷時

寓言

偶作

勸學

贈農人

長安早春

罪松

感興

感懷八首

達士

暮秋感思二首

古興

勸友

夷門雪贈主人

陸長源答附

堯歌二首

第三卷

感興下

詠懷

亂離

已下感興

勸酒

去婦

君子勿鬱鬱二首

聞砧

遊子

自歎

求友

投所知

病客吟

感懷

離思

結交

傷春

擇友

夜憂

惜苦

寒地百姓吟

出東門

教坊歌兒

訪疾

酒德

冬日

餓雪吟

偷詩

晚雪吟

自惜

老恨

詠懷上

湖州取解述情

詠懷

落第

詠懷

一作感寓

病起言懷

秋夕貧居述懷

夜感自遣

再下第

下第東歸

失意寄劉侍御

下第東南行

歎命

遠遊

商州客舍

長安旅情

長安羈旅

渭上思歸

登科後

初於洛中選

歸義興莊居

養病呈從叔子雲

第四卷

詠懷

游適

秋懷十五首

已下詠懷

靖安寄居

雪

春愁

懊惱

游適上

游城南韓氏莊

已下游適

與友秋宵會話

夜集

招文士飲

游城南山墅

登華嚴寺樓

游終南山

游龍池寺

櫻桃亭春讌

遊華山雲臺觀

宿李秀才池亭

邀花伴

石淙十首

遊韋七別業

越中山水

皇甫秀才山亭

和遊瑯琊溪

第五卷

遊適下

居處

陪陸中丞公讌

喜張從事至

汝州郡齋聽琴

同年春燕

奉招陳侍御

遊石龍渦

浮石亭

看花五首

濟源春

濟源寒食七首

遊枋口二首

遊枋口柳溪

遊昭城寺

嵩少

旅次洛城東水亭

洛橋晚望

居處

北郭貧居

題陸鴻漸山舍

題韋承總幽居

惠聚寺僧房

題從叔述靈巖山壁

題花嚴寺書窻

藍溪元居士草堂

新卜青羅幽居

附陸長源荅

題藏書洞

生生亭

寒溪九首

立德新居十首

第六卷

行役

紀贈

西上經靈寶觀已下行役泛黃河

注河陽宿峽陵寄李侍御 鴉路溪行

獨宿峴首 謁復州盧使君

夢澤行 京山行

旅次湘沅懷靈均 過彭澤

過分水嶺 分水嶺別從弟寂

連州吟三章 旅行

紀贈

上河陽李大夫已下紀贈 投贈張端公

贈蘇州韋使君郎中 上張徐州

上包祭酒 贈崔純亮

贈文應上人 嚴河南

贈李觀 贈從弟楚客

贈章仇將軍 贈道月上人

杼情上叔李盎柳績 贈城郭道士

贈李明府 獻漢南樊尚書

贈轉運陸中丞 贈萬年陸郎中

獻坐主呂侍郎

古意贈梁肅補闕

贈黔府王中丞楚

贈達奚舍人

贈主人

贈建業契公

獻襄陽于大夫

贈鄭夫子魴

崔郎以直隨職大隱詠三首

韓郎中愈二首

戲贈無本三首

第七卷

懷寄

酬答

送別上

寄張籍

已下懷寄

憶周秀才素上人

舟中喜遇從叔簡

懷南岳隱士二首

春夜憶蕭子真

寄院中諸公

寄洛州李大夫

寄盧虔使君

寄崔純亮

憶韓愈李翱

寄張籍

寄義興小女子

憶江南弟

寄澹公

寄陝府鄧給事

奉寄諫議十六叔

寄鄭軍事唐二十五

酬答

答友人

已下酬答

酬友人見寄新文

答韓愈李觀別

答書上人止讒作

此題在書
上八上

答姚怱見寄

答郭郎中

答盧虔故園見寄

從弟楚材見贈

酬盧殷少府

酬李侍御

答盧仝

奉答張舍人

送別上

送從弟郢東歸

送從叔簡赴舉

送別崔寅亮

送柳淳先入關

送無懷道士

送温初

送盧虔端公

送任齊二秀才

送曉公歸庭山

送豆盧策歸別墅

送清遠上人

送從叔簡

送蕭鍊師

第八卷

送別下

感別送從叔簡東歸送玄亮師

送李尊師玄

送郭秀才

送鄒儒立少府

送從叔校書南歸

送韓愈從軍

送河南裴文學

送李習之

送人歸山

送從舅端適楚地

送盧汀侍御

送獻上人

送獨孤秀才

送崔爽之湖南

送超上人歸天台

送王鍊師

送岑秀才

送黃構擢第歸江南

送道士

送孟寂赴舉

送孫秀才

送錢陳明府

送柳淳

送殷秀才南遊

送青陽上人遊越

送新羅使

送弟郢之江南

送陸暢歸湖州

送淡公十二首

送魏端公入朝

送盧郎中汀

送鄭僕射

別妻家

贈姚怱別

贈盧使君虔別

與韓愈季相張籍話別

東齋會別

汴州別韓愈

贈別殷山人

奉別鄭相公二首

第九卷

詠物

雜題

海柳詠

搖柳

曉鶴

和薔薇花歌

邀人賞薔薇

石楠樹

酬鄭毗躑躅詠

品松

荅小榼味

井上枸杞架

蜘蛛諷

蚊

燭蛾

和甘露

雜題

和題項羽廟

讀張碧集

聽琴

聞夜啼贈劉正元

喜雨

終南山下作

觀種樹

春後雨

荅友人贈炭

爛柯石

尋言上人

噴玉布

姑蔑城

崢嶸嶺

尋裴處士

子慶詩

慙觀公法堂

春霖奉贈陳侍御

潭陽秋霽

列仙文

右方諸青童君

清虛真人

金母飛空歌安度明

謁智遠禪師

訪嵩陽道士不遇

聽說維摩經

借車

喜符郎詩有天縱

憑周況乞茶

上昭成閣不得歎嗟田尚書不立非夫

人

讀經

謝李輶再到

喜盧仝船歸洛

第十卷

哀傷

聯句

讚

書

弔國殤已下哀傷

弔比干墓

弔元魯山十首

哭李觀

弔李元賓遺字

悼湯衡評事

哀孟雲卿荒居

哭盧貞國

傷舊遊

弔房十五次卿

逢鄭方回

哭秘書包太監

悼幼子

悼亡

弔李元賓墳

覽崔爽遺文

峽哀十首

杏殤九首

弔春梅江南老家人

哭李丹負外

哭劉言史

弔唐殷十首

聯句

有所思聯句已下聯句

遣興聯句

贈劍客李園聯句

讚

讚維摩詰一首

書

上常州盧使君書 又上養生書

孟郊本傳

韓愈撰孟郊貞曜先生墓誌

孟東野詩目錄

弘治己未楊一清高州刻本黑口四周双線十行

十六字与棚本同取勘此本卷数与第卷合蓋同

出之原然改三六不少白二一併某六經不同書俱

重刻不無刪改失修自明以來皆然矣 增相西尾

空三行

題低四格下同

孟東野詩集卷第一

山南西道節度叅謀試大理評事平昌孟郊

樂府上

列女操

梧桐相待老鴛鴦會雙死貞婦貴陶夫捨生亦

如此波瀾誓不起妾心井中水

灞上輕薄行

長安無緩步况值天景暮相逢灞滄間親戚不

相顧自嘆方拙身忽隨輕薄倫常恐失所避化

為車轍塵此中生白髮疾起亦未歇一作不

長安羈旅行

十日一理髮每梳飛旅塵三旬九過飲每食唯
舊貧萬物皆及時獨余不覺春失名誰肯訪得
意爭相親直木有恬翼靜流無躁鱗始知喧競
場莫處君子身野策藤竹輕山蔬薇蕨新潛歌
歸去來事外風景真

長安道

胡風激秦樹賤子風中泣家家朱門開得見不
可入長安十二衢投樹鳥亦急高閣閣何人家笙
篴正喧吸

送遠吟

河水昏復晨河邊相送頻離杯有淚淚飲別柳無
枝春一笑忽然斂萬愁俄已新東波與西日不
惜惜遠行人

古薄命妾

不惜十指絃絃為君千萬彈常恐新聲至坐使一作使我
故聲一作曲殘棄置今日悲即是昨日歡將新變故
易持持故為新難青山有薜蘿蕪淚葉長不乾空令
後代人採掇幽思一作思攢幽蘭

古離別

松山雲繚繞萍路水分離雲去有歸日水分無
合時春芳役雙眼春色柔四支楊柳織別愁千
條萬條絲

古樂府雜怨三首

憶人莫至悲至悲空自衰寄人莫翦翦衣翦衣未
必歸朝爲雙蒂花暮爲四散飛花落却遶樹遊
子不顧期

天桃花清晨遊女紅粉新天桃花薄暮遊女紅
粉故樹有百年花人無一定顏花送人老盡人
悲花自閑

貧女鏡不明寒花日少容暗蚤有虛織短線無
長縫浪水不可照狂夫不可從浪水多散影狂
夫多異蹤持此一生薄空成萬一作恨濃

靜女吟

艷女皆妬色靜女獨檢檢蹤任禮恥任粧嫁德不
嫁容君子易求聘小人難自從此志誰與諒琴
絃幽韻重

歸信吟

淚墨灑西爲書將寄萬里親書去魂亦去兀然空
一身

山老吟

不行山下地唯種山上田
畧斧斫旅松手瓢汲
家泉詎知文字力莫記日月遷
蟠木爲我身始得全天年

遊子吟

慈母手中線遊子身上衣
臨行密密縫意恐遲遲歸
誰言寸草心報得三春暉

小隱吟

我飲不在醉我歡長寂然
酌溪四五盞聽彈兩三絃
注性靜棲白洗情深寄玄
一作號怒路傍子塞淵

貪敗不貪全

苦寒吟

天色寒青蒼北風叫枯桑
厚冰無裂文短日有冷光
敲石不得火壯陰正奪陽
調苦竟何言凍吟成此章

猛將吟

擬膾樓蘭肉一作蓄怒時未揚
秋輦無退聲夜劍不隱光
虎隊手驅出豹篇心卷藏
古今皆有言猛將出北方

傷哉行

衆毒蔓貞松一枝難久榮豈知黃庭客仙骨生
不成春色捨芳蕙秋風遶枯莖彈琴不成曲始
覺知音傾館月改舊照早賓寫餘情還舟空江
上波浪送銘旌

古怨

試妾與君淚兩處滴池水看取芙蓉花今年爲
誰死

湘絃怨

昧者理芳草蒿蘭同一鋤狂一作飈怒一作秋林曲
直同一枯嘉木忌深蠹哲人悲巧誣靈均入迴

流靳尚爲良謨我願分衆泉清濁各異渠我願
分衆巢臬鸞相遠居此志諒難保此情竟何如
湘絃少知音孤響空踟躕踟躕

楚竹吟酬盧虔端公見和湘絃怨

握中有新聲楚竹人未聞識音者謂誰清一作靜夜
吹贈君昔爲瀟湘引曾動瀟湘雲一叫鳳改聽
再驚鶴失羣江花匪秋落山日當晝曛衆濁響
雜沓孤清思氛氳欲知怨有一作形願向明月分
一掬靈均淚千年湘水文

遠愁曲

颺颺何所從遺塚行未逢東西不見人哭一作泣向
青青松此地有時盡此哀無處容聲翻太白雲
淚洗藍田峯水涉七八曲山一作石登千萬重願
玄夜月一作靈出視白日蹤

貧女詞寄從叔先輩簡

蠶一作貧女非不勤今年獨無春二月冰一作水雪深死盡
萬木身時今自逆行造化豈不仁仰企碧霞仙
高控滄海雲永別勞苦場颺颺遊無垠

邊城吟

西城近日一作水天俗稟氣候偏行子獨自渴主人志

一作西域
近水天

仍賣泉燒烽碧雲外牧馬青坡巔何處鶻突一作夢

一作作歸思寄仰一作酒眠一作夢

新平歌送許問

邊柳三四尺暮春一作莫離別歌早迴儒士駕暮飲莫
土番河誰識匣一作篋中寶楚雲章句多

殺氣不在邊

殺氣不在邊凜然中國秋道險不在山平地有
摧翰河南一作淮又起兵清濁俱鎖流豈唯私客艱擁
滯官行舟況余隔晨昏去家成阻脩忽然兩鬢
雪固是一日愁獨寢夜難曉起視星漢浮涼風

蕩天地日夕聲颼颼萬物無少色兆人皆老憂
長策苟未立丈夫誠可羞靈響復何事劍鳴思
戮讎

結愛

心心復心心結愛務在深一度欲離一作言別干迴
結衣襟結妾獨守志結君早歸意始知結衣裳
不如結心腸坐結行亦結結結盡百年月

絃歌行七言

驅儼擊鼓吹長笛瘦鬼染面惟齒白暗中翠翠
拽茅鞭僕足朱禪行戚戚相顧笑聲衝庭燎桃

弧射矢時獨叫

覆巢行七言

荒城古木枝多枯飛禽嗷嗷朝哺雛枝傾巢覆
雛墜地烏鳶下啄更相呼陽和發生均孕育鳥
獸有情知不足枝危巢小風雨多未容長成已
先覆靈枝珍木滿上林鳳巢阿閣重且深爾今
所託非本地烏鳶何得同一作知爾心

出門行二首七言

長河悠悠去無極百齡同此可歎息秋風白露
沾人衣壯心凋落奪顏色少年出門將訴誰川

無梁兮路無岐一聞陌上苦寒奏使我佇立驚
且悲君今得意厭梁肉豈復念我貧賤時
海風蕭蕭天雨霜窮愁獨坐夜何長驅車舊憶
太行險始知遊子悲故鄉美人相思隔天闕長
望雲端不可越手持瑯玕欲有贈愛而不見心
斷絕南山峩峩白石爛碧海之波浩漫漫參辰
出沒不相待我欲橫天無羽翰

湘妃怨一作湘靈祠

南巡竟不返二妃怨一作悲逾積萬里喪蛾眉瀟湘
水空碧冥冥荒山下古廟收貞魄喬木深青春

清光滿一作盡瑶席寒芳徒有薦靈意殊脉脉玉珮
不可親徘徊煙波夕

巫山曲七言

巴江上峽重復重陽臺碧峭十二峯荆王獵時
逢暮雨夜卧高丘夢神女輕紅流煙濕艷姿行
雲飛去明星稀目極魂斷望必見猿啼三聲淚
滴衣

巫山高

見盡數萬里不聞三聲猿但飛蕭蕭雨中有亭
亭魂千載楚襄恨遺文宋玉言至今晴明天一作青冥

裏雲結深閨門

楚怨

秋入楚江水獨照汨羅魂手把綠荷泣意愁珠
淚翻九門不可入一犬吠千門

塘下行

塘邊日欲斜年少早還家徒將白羽扇調妾木
蘭花不是城頭樹那樓來去鴉

臨池曲 七言

池中春蒲葉如帶紫菱成角蓮子大羅裙蟬鬢
寄迎風雙雙伯勞飛向東

車遥遥

路喜到江盡江上又通舟舟車兩無阻何處不
得遊丈夫四方志女子安下留郎自別日言無
今生遠愁旅鴈忽叫月斷猿寒啼秋此夕夢君
夢君在百城樓寄淚無因波寄恨無因輒願爲
馭者手與郎迴馬頭

征婦怨 四首

良人昨日去明月又不圓別時各有淚零落青
樓前君淚濡羅巾妾淚滿路塵羅巾長在手今
得隨妾身路塵如得風得上君車輪

漁陽千里道近如中門限中門踰有外踰有時漁陽長
在眼生在綠一作絲羅下不識漁陽道良人自成來
夜夜夢中到

空城雀

一雀入官倉所食寧損幾祗慮往覆頻官倉終
害爾魚網不在天鳥羅不張水飲啄要自然可
以空城裏

閑怨

妾恨比斑竹下盤煩冤根有筍未出土中已含
淚痕

羽林行

胡朔雪寒斷指朔風勁裂冰冰胡中射鵬者此日猶
不能翩翩羽林兒錦臂飛蒼鷹揮鞭快白馬走
出黃河凌

古意

河邊織女星河畔牽牛郎未得渡清淺相對遙
相望

古別離

欲別牽郎衣郎今到何處不恨歸來遲莫向臨
邛去

遊俠行

壯士性剛決火中見石裂殺人不迴頭輕生如
蓬蓬別豈知眼有淚肯白頭上髮平生無恩酬劍
閑一百月

黃雀吟

黃雀舞承塵倚恃主人仁主人忽不仁買彈彈
爾身何不遠飛去蓬蒿正繁新蒿粒無人爭食
之足爲珍莫覩翻車粟覩翻罪有因黃雀不知
言贈之徒慙慙

有所思 七言

桔槔烽火晝不滅客路迢迢信難越古鎮刀攢
萬片霜寒江浪起千堆雪此時西去定如何空
使南心遠凄切

求仙曲

仙教生爲門仙宗靜爲根持心若妄求服食安
足論錘惑有靈藥餌真成本源自當出塵網馭
鳳登崑崙

嬋娟篇 雜言

花嬋娟泛春泉竹嬋娟籠曉煙妓嬋娟不長妍
月嬋娟真可憐夜半姮娥朝太乙人間本自無

靈匹漢宮承寵不多時飛燕婕妤相妬嫉

南浦篇 七言

南浦桃花亞水紅水邊柳絮由春風鳥鳴啾啾
煙濛濛自從遠送對悲翁此翁已與少年別唯
憶深山深谷中

清東曲

櫻桃花參差香雨紅霏霏含笑競攀折美人濕
羅衣采采清東曲明眸艷珪玉青巾編上郎上
下看不足南陽公一作首詞編入新樂錄

孟東野詩集卷第一

西辰祀宮校元并

空行

孟東野詩集卷第二

樂府下

織女辭

夫是田中郎妾是田中女當年嫁得君為君秉
機杼筋力日已疲不息窻下機如何織紈素自
着襤縷衣官家勝村路更索栽桑樹

古意

蕩子守邊戍佳人莫相從去來年月多苦愁改
形容上山復下山踏草成古蹤徒言採薜蘿十
度一不逢鑿獨是明月識志唯寒松井桃始開

花一見悲萬重人顏不再春桃色有再濃指氣
入空房無慘乍從容啓貼理針線非獨學裁縫
手持未染綵繡爲白芙蓉芙蓉無染汚將以表
心素欲寄未歸人當春無信去無信反增愁愁
心緣隴頭願君如隴水冰鏡水還流宛宛青絲
線一作繩纖纖白玉鈎玉鈎不虧缺青絲無斷絕迴
還勝雙手解盡心中結

折楊柳二首

楊柳多短枝短枝多別離贈遠累攀折柔條安
得垂青春有定節離別無定時但恐人別促不

怨來遲遲莫言短枝條中有長相思朱顏與綠
楊併在別離期

樓上春風過風前楊柳歌枝踈綠別苦曲怨爲
年多花驚燕地雲葉映楚池波誰堪別離此征
戍在交河

和丁助教塞上吟

哭雪復吟雪廣文丁夫子江南萬里寒曾未及
如此整頓氣候誰言從生靈始無今惻隱者哀
哀不能已

古怨別

颺颺秋風生愁人怨離別含情兩相向欲語氣
先咽心曲千萬端悲來却難說別後唯所思天
涯共明月

古別曲

山川古今路縱橫無斷絕來往天地間人皆有
離別行衣未束帶中腸已先結不用看鏡中自
知生白髮欲陳去留意聲向言前咽愁結填心
曾茫茫若爲說荒郊煙莽蒼曠野風淒切處處
得相隨人那不如月

樂府戲贈陸大夫十二丈三首

蓮子不可得荷花生水中猶勝道傍柳無事一作時
蕩春風

溱萍與荷葉同此一水中風吹荷葉在溱萍西
復東

蓮葉未開時苦心終日卷春水一作風徒蕩漾荷花
未開展

戲荅

陸長源

芙蓉初出水菡萏露中花風吹着枯木無奈值
空槎

勸善吟醉會中贈
郭行餘

瘦郭有志氣相衰老龍鍾勸我少吟詩俗窄難
爾容一口百味別況在醉會中四座正當喧片
言何由通顧余昧時調居止多踈慵見書眼始
開聞樂耳不聰視聽互相隔一作會一身且莫同天
疾難自醫詩僻將何攻見君如見書語善千萬
重自悲咄咄感變作煩惱翁煩惱不可欺一作不可欺古
劍古劍澀亦雄知君方少年少年懷古風藏書挂
屋春不借與凡聾我願拜少年師之學崇崇從
他笑爲矯矯善亦可宗

望夫石

望夫石夫不來兮江水碧行人悠悠朝與暮千
年萬年色如故

寒江吟

冬至日光白始知陰氣凝寒江波浪凍一作急千里
無平冰飛鳥絕高羽一作羽行人皆晏興荻洲素浩
渺碕岸漸破礮煙舟忽自阻風帆不相乘何況
異形體信任爲股肱涉江莫涉凌得意須得朋
結交非賢良誰免生愛憎凍水有再浪失飛有
載騰一言縱醜詞萬響無善應取鑒諒不遠江
水千萬層何當春風吹利涉吾道弘

感興上

審交

種樹須擇地惡土變木根結交若失人中道生
謗言君子芳桂性春榮冬更繁一作春濃
寒更繁小人槿花
心朝在夕不存莫躡冬冰堅中有潜浪翻唯當
金石交可以賢達論

怨別

一別一迴老志士白髮早在富易為容居貧難
自好沈憂損性靈服藥亦枯槁秋風遊子衣落
日行遠道君問去何之賤身難一作寧自保

一作去
任蹤

百憂

萱草女兒花不解壯士憂壯士心是劍為君射
斗牛朝思除國讎一作難暮思除國讎計盡山河盡
意窮草木籌智士日干慮愚夫唯四愁何必在
波濤然後驚一作生沈浮伯倫心不醉四皓迹難留
出處各有時眾議徒啾啾

路病

病客無主人艱哉求卧難飛光赴道路內火焦
肺肝欲飲井泉竭欲醫囊用單稚顏能幾日壯
志忽已殘人子不言苦歸書但云一作言安愁環在

我腸宛轉終無端

衰松

近世交道衰青松落顏色人心忌孤直木性隨
改易既摧摧栖日幹未展擎天力終是君子材還
思君子識

遣興

絃貞五條音一作音調松直百尺心貞絃含古風直松
凌高岑浮聲與狂葩胡為欲相侵

退居

一作退老

退身何所食敗力不能閑種稻耕白水負薪砍

青山衆聽喜巴唱獨醒愁楚顏日暮靜歸時幽
幽扣松關

卧病

貧病誠可羞故牀無新裘

一作貧病對客羞數整藍縷裘

春色燒肌

膚時殮苦咽喉倦寢意蒙昧強言聲幽柔承顏
自俛仰有淚不敢流默默寸心中朝愁續暮愁

隱士

本末一相返漂浮不還真山野多餒士市井無
飢人虎豹忌當道麋鹿知藏身奈何貪競者日
與患害親顏貌歲歲改利心朝朝新孰知富生

禍取富不取貧寶玉忌出璞出璞先爲塵松栢
忌出山出山先爲薪君子隱石壁道書爲我鄰
寢興思其義澹泊味始真陶公自放歸尚平去
有依草木擇地生禽鳥順性飛青青與冥冥所
保各不違

猥愁

一作獨怨

前日遠別離昨日生白髮欲知萬里情曉卧半
牀月常恐百蟲鳴使我芳草歇

春日有感

雨滴草芽出一日長一日風吹柳線垂一枝連

一枝獨有愁人顏經春如等閑且持酒滿杯狂
歌狂笑來

將見故人

故

一作佳

人季夏中及此百餘日無日不相思明鏡

改形質寧知仲冬時忽有相逢期振衣起躑躅
頽鯉躍天池

東

傷時

七言

常聞貧賤士之常草木富者莫相笑男兒得路
即榮名邂逅失途成不調古人結交而重義今
人結交而重利勸人一種種桃李種亦直須遍

天地一生不愛囑人事囑即直須爲生死我亦
不美季倫富我亦不笑原憲貧有財有勢即相
識無財無勢同路人因知世事皆一作只如此都向
東溪卧白雲

寓言

誰言碧山曲不廢青松直誰言濁水泥不污明
月色我有松月心俗騁風霜力貞明旣如此摧
折安可得

偶作

利劍不可近美人不可親利劍近傷手美人近

傷身道險不在廣十步能摧輪情憂不在多一
夕能傷神

勸學

擊石乃有火不擊元無煙人學始知道不學非
自然萬事須已運他得非我賢青春須早爲豈
能長少年

贈農人

勸爾勤耕田盈爾倉中粟勸爾伐桑株減爾身
上服清霜一委地萬草色不綠狂飈一入林萬
葉不着木青春如不耕何以自結束

長安早春

旭日朱樓光東風不驚塵公子醉未起美人爭
探春探春不爲桑探春不爲麥日日出西園祗
望花柳色乃知田家春不入五侯宅

罪松

雖爲青松姿霜風何所宜二月大下樹綠於青
松枝勿謂賢者喻勿謂愚者規伊呂代封爵夷
齊終身飢彼曲旣在斯我正實在茲涇流合渭
流清濁各自持天今設四時榮衰有常期榮合
隨時榮衰合隨時衰天今旣不從甚不敬天時

松乃不臣木青青獨何爲

感興

拔心草不死去根柳亦榮獨有失意人恍然無
力行昔爲連理枝今爲斷絃聲連理時所重斷
絃今所輕吾欲進孤舟三峽水不平吾欲載車
馬太行路崢嶸萬物根一氣如何互相傾

感懷八首

秋氣悲萬物驚風振長道登高有所思寒雨傷
百草平生有親愛零落不相保五情今已傷安
得自能老

晨登洛陽坂日極天茫茫羣物歸大化六龍頽
西荒豺狼日已多草木日已霜飢年無遺粟衆
鳥去空場路傍誰家子白首離故鄉含酸望松
栢仰面訴穹蒼去去勿復道苦飢形貌傷
徘徊不能寐耿耿含酸辛中夜登高樓憶我舊
星辰四時互遷移萬物何時春唯憶首陽路永
謝當時人

長安嘉麗地宮月生蛾眉陰氣凝萬里坐看芳
草衰玉堂有玄鳥亦以從此辭傷哉志士嘆故
國多遲遲深宮豈無樂擾擾復何爲朝見名與

利暮還生是非

一作是與非

姜牙佐周武世業永巍巍

舉才天道親首陽誰採薇去去荒澤遠落日當
西歸羲和駐其輪四海借餘暉極目何蕭索驚
風正離披鷓鴣鳴高樹衆鳥相因依東方有一
士歲暮常苦飢主人數相問脉脉今何爲貧賤
亦有樂且願掩一作守柴扉

火雲流素月三五何明明光曜侵白日賢愚迷
至精四時更變化天道有虧盈常恐今已沒須
臾還復生

河梁暮相遇

一作逢

草草不復言漢家正離亂王粲

別荆蠻野澤何蕭條悲風振空山舉頭是星辰
念我何時還親愛久別散形神各離遷未為生
死訣長在心目間

有鳥東西來哀鳴過我前願飛浮雲外飲啄見
青天

達士

四時如逝水百川皆東波青春去不還一作迴白髮
鑷更多達人識元氣一作化變愁為高歌傾產取一
醉富者奈貧何君看土中宅富貴一作已矣無偏頗

暮秋感思二首

西風吹垂楊條條脆如藕上有噪日蟬催人成
皓首亦恐旅步難何獨朱顏醜一作朽欲慰一時心
莫如千日酒

優哉遵渚鴻自得養身肯不啄太倉粟不飲方
塘水振羽擾浮雲且羅任徒爾

古興

楚血未乾衣荆虹尚埋輝痛玉不痛身抱璞求
所歸

勸友

至白涅不緇至交淡不疑人生靜躁殊莫厭相

箴規膠漆武可接金蘭文可思堪嗟無心人不
如松栢一作枝一作
青松枝姿

夷門雪贈主人

夷門貧士空吟雪夷門豪士皆飲酒酒聲歡閑
入雪銷雪聲激切悲枯朽悲歡不同歸去來萬
里春風動江柳

荅

陸長源

好丹與素通不同失意得途事皆別東鄰少年
樂未央南客思歸腸欲絕千里長河冰復冰雲
鴻冥冥楚山雪

堯歌二首

一作舜歌前篇賞鄭氏
莊客去婦後篇題逸

爾室何不安爾孝無與齊一言應對姑一度爲
出妻往轍才晚鐘還轍及晨雞往還跡徒新狼
戾竟獨迷娥女無禮數汚家如糞泥父母吞聲
哭禽鳥亦爲啼如何天與惡不得和鳴棲

山色挽心肝將歸盡日看村肩籃輦子野坐白

髮官

一作冠

鶯弄方短短花明碎攢攢瑠璃堆可掬

琴瑟饒多歡翠韻仙窈窕嵐漪出無端養館洞
庭秋響荅虛吹彈

孟東野詩集卷第二 丙辰六月十九日校

孟東野詩集卷第三

感興下

亂離

天下無義劍中原多瘡痍
哀哀陸大夫正直神
反欺子路已成血嵇康
今尚嗤為君每一慟如
劍在四肢折羽不復飛
逝水不復歸直松摧高
柯弱蔓將何依朝為春日
歡夕為秋日悲淚下
無尺寸紛紛天雨絲積
怨成疾疢積恨成狂癡
怨草豈有邊恨水豈有
涯怨恨馳我心茫茫日
何之

第二行仍有法術師貫各一條
各卷同

勸酒

白日無定影清江無定波人無百年壽百年復
如何堂上陳美酒堂下列清歌勸君金屈卮勿
謂朱顏醜歲歲松柏茂丘陵日日多君看終南
山千古青峩峩

去婦

君心匣中鏡一破不復全妾心藕中絲雖斷猶
牽連安知御輪士今日翻迴轅一女事一夫安
可再移天君聽去鶴言哀哀七絃

君子勿鬱鬱士有謗毀者作詩以贈之

二首

君子勿鬱鬱聽我青蠅歌人間少平地森聳山
岳多折輒不在道覆舟不在河須知一尺水日
夜增高波叔孫毀仲尼臧倉掩孟軻蘭艾不同
香自然難爲和良玉燒不熱直竹文不頗自古
皆如此其如道在何

日往復不見秋堂暮仍學玄髮不知白曉入寒
銅覺爲林未離樹有玉猶在璞誰把碧梧枝刻
作雲門樂

聞砧

杜鵑聲不哀斷猿啼不切月下誰家砧一聲腸
一絕杵聲不爲客客聞髮自白杵聲不爲衣欲
今遊子歸

遊子

萱草生堂堦遊子行天涯慈親倚堂門不見萱
草花

自歎

愁與髮相形一愁白數莖有髮能幾多禁愁日
日生古若不置兵天下無戰爭古若不置名道
路無歎傾太行聳巍我是天產不平黃河奔濁
浪是天生不清四蹄日日多雙輪日日成二物
不在天安能免營營

求友

北風臨大海堅冰臨河面下有波瀾對之無
由見求友須在良得良終相善求友若非良非
良中道變欲知求友心先把黃金鍊

投所知

苦心知苦節不容一毛髮鍊金索堅貞洗玉求
明潔自慙所業微功用如鳩拙何殊嫫母顏對
彼寒塘月君存古人心道出古人轍盡美固可

揚片善亦不遏朝向公卿說暮向公卿說誰謂
黃鍾管化爲君子舌一說清嶰竹二說變嶰谷
三說四說時寒花拆寒木撲撲家道路燦燦吾
衣服豈直輝友朋亦用慰骨肉一暖荷疋素一
飽荷升粟而況大恩恩此身報得足且將食藥
勞酬之作金刀

病客吟

主人夜呻吟皆入妻子心遠客一作客子晝呻吟徒爲
蟲鳥音妻子手中病愁思不復深僮僕手中病
憂危獨難任丈夫久漂泊神氣自然沈況於滯

疾中何人免嗷歔大海亦有涯高山亦有岑沈
一作此憂獨無極塵淚耳盈襟

感懷

孟冬陰氣交兩河正屯兵煙塵相馳突烽火日
夜驚太行險阻高輓粟輸連營奈何操弧者不
使梟巢傾猶聞漢北兒怙亂謀縱橫擅搖干戈
柄呼叫豺狼聲白日臨爾軀胡爲喪丹誠豈無
感激士以致天下平登高望寒原黃雲鬱崢嶸
坐馳悲風暮歎息空沾纓

離思

不寐亦不語片月秋梢舉孤鴻憶霜羣獨鶴叫
雲侶怨彼浮花心飄飄無定所高張係絳帆遠
過梅根渚迴織別離字機聲有酸楚

結交

鑄鏡須青銅青銅易磨拭結交遠小人小人難
姑息鑄鏡圖鑑微結交圖相依凡銅不可照小
人多是非

傷春

兩河春草海水清十年征戰城郭腥亂兵殺兒
將女去二月三月花冥冥千里無人旋風起鶯

啼燕語荒城裏春色不揀墓傍枝紅顏皓色逐
春去春去春來那得知今人看花古人墓今人
惆悵山頭路

擇友

獸中有人性形異遭人隔人中有獸心幾人能
真識古人形似獸皆有大聖德今人表似人獸
心安可測雖笑未必和雖哭未必戚面結口頭
交肚裏生荆棘好人常直道不順世間逆惡人
巧諂多非義苟且得若是倣真人堅心如鐵石
不諂亦不欺不奢復不溺面無恡色容心無詐

憂惕君子大道人朝夕恒的的

夜憂

豈獨科斗死所嗟文字捐蒿蔓轉驕王菱荇減
嬋娟未遂擺鱗志空思吹浪旋何當再霖雨洗
濯生華鮮

惜苦

于鵠值諫議以毬不能官焦蒙值舍人以杯不
得完一作官可惜大雅旨意此小團藥名迴不敢辨
心轉寔是難不惜為君轉轉非君子觀轉之復
轉之強轉誰能歡哀哉虛轉言不可窮波瀾

寒地百姓吟

為鄭相其年居河南
畿內百姓大蒙矜恤

無火炙地眠半夜皆立號冷箭何處來棘針風
騷勞一作騷霜吹破四壁苦痛不可逃高堂槌鐘飲
到曉聞烹炮寒者願為蛾燒死彼華膏華膏隔
仙羅虛遶千萬遭到頭落地死踏地為遊遨遊
遨者是誰君子為鬱陶

出東門

餓馬骨亦聳獨驅出東門少年一日程衰叟十
日奔寒景不我為疾走落平原眇默荒草行恐
懼夜魄翻一生自組織千首大雅言道路如抽

蠶宛轉羈腸繁

教坊歌兒

十歲小小兒能歌得聞一作朝天六十孤老人能詩
獨臨川去年西京寺衆伶集講筵能嘶竹枝詞
供養繩牀禪能詩不如歌悵望三百篇

訪疾

冷氣入瘡痛夜來痛如何瘡從公怒生豈以私
恨多公怒亦非道怒消乃天和古有煥輝句嵇
康閑婆娑請君吟嘯之正氣庶不訛

酒德

酒是古明鏡輾開小人心醉見異舉止醉聞異
聲音酒功如此多酒屈亦以深罪人免罪酒如
此可爲箴

冬日

老人行人事百一不及周凍馬四蹄吃陟卓難
自收短景仄飛過午光不上頭少壯日與輝衰
老日與愁日愁疑在目歲箭迸如讎萬事有何
味一生虛自一作自囚不知文字利到死空遨遊

飢雪吟

飢鳥夜相啄瘡聲互悲鳴冰腸一直刀天殺無

東野詩三
曲情大雪壓梧桐折柴墮崢嶸安知鸞鳳巢不
與梟鳶傾下有幸災兒拾遺多新爭但求彼失
所但誇此經營一作誇誕君子亦拾遺拾遺非拾名
將補鸞鳳巢免與梟鳶并因爲飢雪吟至曉竟
一作不平意

偷詩

餓犬齧枯骨自喫饒飢涎今文與古文各各稱
可憐亦如嬰兒食錫桃口旋旋唯有一點味豈
見逃景延繩牀獨坐翁默覽有所傳終當罷文
字別著逍遙篇從來文字淨君子不以賢

晚雪吟

貧富喜雪晴出門意皆饒鏡海見纖悉冰天步
飄颻一一仙子行家家塵聲銷小兒擊玉指大
耄歌聖朝睿氣流不盡瑞仙何復寥始知望幸
色終疑異禮招市井亦清潔閭閻聳岌堯蒼生
願東顧翠華仍西遙天念豈薄厚宸衷多憂焦
憂焦致太平以茲時比堯古耳有未通新詞有
潛韶甘爲酒伶擯坐恥歌女嬌選音不易言裁
正逢今朝今朝前古文律異同一調願於堯瑄
中奏盡鬱抑謠

自惜

傾盡眼中力抄詩過與人自悲風雅老恐被巴
竹嗔零落雪文字分明鏡精神坐甘冰抱晚永
謝酒懷春徒有言言舊慙無默默新始驚儒教
誤漸與佛乘親

老恨

無子抄文字老吟多飄零有時吐向牀枕席不
解聽鬪蟻甚微細病間亦清冷小大不自識自
然天性靈

詠懷上

湖州取解述情

雲水徒清深照影不照心白鶴未輕舉衆鳥爭
浮沈因茲挂帆去遂作歸山吟

落第

曉月難為光愁人難為腸誰言春物榮豈見葉

上霜

一作獨見
花上霜

鵬鷲

一作
鷓鴣

失勢病

一作飛
失勢

鷓鴣假

一作
改

翼翔

棄置復棄置情如刀刃傷

詠情

一作
感遇

濁水心易

一作
已

傾明波興初發思逢海底人乞取

蚌中月此興若未諧此心終不歇

病起言懷

強行尋溪

一作淨

水洗却殘病姿花景晚晚盡麥風

清冷吹交道卧來見世情貧去知高閑思楚逸

澹泊

一作淺薄

獸齊兒終伴碧山侶結言青桂枝

秋夕貧居述懷

卧冷無遠夢聽秋酸別情高枝低枝風千葉萬
葉聲淺井不供飲瘦田長廢耕今交非古交貧
語聞皆輕

夜感自遣

一作失志夜坐思歸楚江又作苦學吟

夜學曉未休苦吟神鬼愁如何不自閑心與身

為讎死辱片時痛生辱長年羞清桂無直枝碧
江思舊遊

再下第

一夕九起嗟夢短不到家兩度長安陌空將淚
見花

下第東歸留別長安知己

共照日月影獨為愁思人豈知鷓鴣鳴

一作鷓鴣鳴等閑鳴 瑤

草不得春一片兩片雲千里萬里身雲歸嵩之

陽身寄江之濱棄置復何道楚情吟白蘋

失意歸吳因寄東臺劉復侍御

自念西上身忽隨東歸風長安日下影又落江
湖中離婁豈不明子野豈不聰至寶非眼別至
音非耳通因緘俗一作物外詞仰寄高天鴻

下第東南行

越風東南清楚日瀟湘明試逐伯鸞去還作靈
均行江蘿伴我泣海月投人驚失意容貌改畏
塗性命輕時聞喪侶猿一叫千愁并一作生

歎命

三十年來命唯藏一卦中題詩還怨易問易蒙
復蒙本望文字達今因文字窮影孤別離月衣

破道路風歸去不自息耕耘成楚農

遠遊

慈烏不遠飛孝子念先歸而我獨何事四時心
有違江海戀空積波濤信來稀長爲路傍食着
盡家中衣別一作烈劍不割物離人難作威遠行少
僮僕驅使無是非爲性玩好盡積愁心緒微始
知時節駛愛一作夏日非長輝

商州客舍

商山風雪壯遊子衣裳單四望失道路百憂攢
肺肝日短覺易老夜長知至寒淚流瀟湘絃調

苦屈宋彈識聲今所易識意古所難聲意今詎
辨一作竟高明鑒其端

長安旅情

盡說青雲路有足皆可至我馬亦四蹄出門似
無地玉京十二樓我我倚青翠下有千朱門何
門薦孤士

長安羈旅

聽樂離別中聲聲入幽腸曉淚滴楚瑟夜魂遶
吳鄉幾迴羈旅情夢覺殘燭光

渭上思歸

獨訪千里信迴臨千里河家在一作住吳楚鄉淚寄

東南一作流波

登科後

昔日齷齪不足誇今朝放蕩思無涯春風得意
馬蹄疾一日看徧長安花

初於洛中選

塵土日易沒驅馳力無餘青雲不我與白首方
選書宦途事非遠拙者取自踈終然戀皇邑誓
以結吾廬帝城富高門京路饒勝居碧水走龍
狀蜿蜒遶庭除尋常異方客過此亦踟躕

乙酉歲舍弟扶持歸興義莊居後獨止

舍待替人

誰言舊居止主人忽成客僮僕強與言相懼終
脉脉出亦何所求入亦何所索飲食迷精麤衣
裳失寬窄迴風卷閑簟新月生空壁士有百役
身官無一姓宅丈夫恥自飾衰鬢從颯白蘭交
早已謝榆景徒相迫惟予心中鏡不語光歷歷
西齋養病夜懷多感因呈上從叔子雲
遠客夜衣薄賦眠待雞鳴一牀空月色四壁秋
蛩聲守淡遺衆俗養痾念餘生方全君子拙恥

學小人明蚊蚋亦有時羽毛各有成如何騏驥
跡蹉跎未能行西北有平路運來無相輕

孟東野詩集卷第三

孟東野詩集卷第四

詠懷下

秋懷十五首

孤骨夜難卧吟蟲相唧唧老泣無涕洟秋露爲
滴瀝去壯暫如翦來衰紛似織觸緒無新心叢
悲有餘憶詎忍逐南帆江山踐往昔

秋月顏色冰

去聲

老客志氣單冷露滴夢破峭風

梳骨寒席上印病文腸中轉愁盤疑懷無所憑
虛聽多無端梧桐枯崢嶸聲響如哀彈
一尺月透戶乞粟如劍飛老骨坐亦驚病力所

尚微蟲苦貪

一作含

剪色鳥危巢焚輝孀娥理故絲

一作煩緒

孤哭

一作坐

抽餘噫浮年不可追衰步多夕歸

秋至老更貧破屋無門扉一片月落牀四壁風

入衣踈夢不復遠弱心良易歸商葩將去

一作老

綠

繚繞爭餘輝野步踏事少病謀向物違幽幽草

根蟲生意與我微

竹風相戛語幽閨暗中聞鬼神滿衰聽恍惚難

自分商葉隨乾雨秋衣卧單雲病骨可剗物酸

呻亦成文瘦攢如此枯壯落隨西曛裊裊一線

命徒言繫細緼

老骨懼秋月秋月刀劔稜纖輝不可干冷魂坐

自凝羈雌巢空鏡仙颺蕩浮冰驚步恐自翻病

大不敢凌單牀寤皎皎瘦卧心兢兢洗河不見

水透濁爲清澄詩壯昔空說詩衰今何憑

老病多異慮朝夕非一心商蟲哭衰運繁響不

可尋秋草瘦如髮貞芳綴踈金晚鮮詎幾時馳

景還易陰弱習徒自恥暮知欲何任露才一見

讒潛智早已深防深不防露此意古所箴

歲暮景氣乾秋風兵甲聲織織勞無衣嚶嚶徒

自鳴商聲聳中夜蹇支廢前行青髮如秋園一

翦不復生少年如餓花瞥見不復明君子山岳
定小人絲毫爭多爭多無壽天道戒其盈

冷露多瘁索枯風饒吹噓秋深月清苦蟲老聲

麤踈頰珠枝纍纍芳金蔓舒舒草木亦趣時寒

榮似春餘自悲一作悲彼零落生與我心何如

老人朝夕異生死每日中坐隨一啜安卧與萬

景空視短不到門聽澀詎逐風還如刻削形免

有纖悉聰浪浪謝初始皎皎幸歸終孤隔文章

友親密蒿萊翁歲綠閔以黃秋節迸已一作窮窮四

時既相迫萬慮自然叢南逸浩森際北貧磽确

中曩懷沈遙江衰思結秋蒿鋤食難滿腹葉衣

多醜躬塵縷不自整古吟將誰通幽竹嘯鬼神

楚鐵生虬龍志士多異感運鬱由邪裏常思書

破衣至死教初童習樂莫習聲習聲多頑聾明

明胷中言願寫爲高崇

幽苦日日甚老力步步微常恐暫下牀至門不

復歸飢者重一食寒者重一衣泛廣豈無涖恣

行亦有隨一作隨時語中失次第身外生瘡痍桂蠹旣

潛污一作朽桂花損貞姿詈言一失香千古聞臭詞

將死始前悔前悔不可追哀哉輕薄行終日與

四馳一作欲

流運閃欲盡枯折皆相號棘枝風哭酸桐葉霜
顏高老蟲乾鐵鳴驚獸孤玉咆商氣洗一作滿聲瘦
晚陰驅景勞集耳不可遏噎神不可逃蹇行散
餘鬱幽坐誰與曹抽壯無一線剪懷盈千刀清
詩既名眺一作詩清金菊亦姓陶收拾昔所棄咨嗟
今比毛幽幽歲晏言零落不可操

霜氣入病骨老人身生冰衰毛暗相刺冷痛不
可勝嚙嚙伸至明強強擾所憑瘦坐形欲折晚
飢心將崩勸藥左右愚言語如見憎聳耳噎神

開一作聳始知功用一作能日中視餘瘡暗鑱一作聞

繩一作細蠅彼嗅一何酷此味半點凝潛毒爾無厭

餘生我堪矜凍飛幸不遠冬今反心懲出沒各

有時寒熱苦一作莫相凌仰謝調運翁請命願有徵

黃河倒上天衆水有却來人心不及水一直去

不迴一直亦有巧不肯至蓬萊一直不知疲唯

聞至省臺忍古不失古失古志易摧失古劍亦

折失古琴亦哀夫子失古淚當時落漼漼詩老

失古心至今寒皚皚古骨無濁肉古衣如蘚苔

勸君勉忍古忍古銷塵埃

詈言

一作署劍

不見血殺人何紛紛聲如窮家犬吠竇

何問問詈痛幽鬼哭詈侵黃金貧言詞豈用多
憔悴在一聞古詈舌不死至今云書云今人詠
古書善惡直直自分秦火不藝舌秦火空藝文所
以詈更生至今橫網緼

靖安寄居

寄靜不寄華愛茲喘噪居渴飲濁清泉飢食無
名疏敗菜一作葉不敢火補衣亦寫書古云儉成德
今乃寔起予慙叟慙不足賢人賢有餘役生皆
促促心竟誰舒舒萬馬踏風衢衆塵隨奔車高

賓盡不見大道夜方虛卧有洞庭夢坐無長安
儲英髦空駭耳煙火獨微如厚意恐傷性薄田
憶親鋤承一作忙世不出力冬竹肯抽葅外物莫相
誘約心誓從初碧芳既似水日日詠歸歟

雪

忽然太行雪昨夜飛入來峻嶒墮庭中嚴白何
皚皚奴婢曉開戶四肢凍徘徊咽言詞不成告
訴情狀摧官給未入門家人盡以灰意勸莫笑
雪笑雪貧爲災將暖此殘疾典賣爭致杯教令
再舉手誇曜餘生才強起吐巧詞委曲多新裁

為爾作非夫忍恥轟喝雷書之與君子庶免生
嫌猜

春愁

春物與愁客遇時各有違故花辭新枝新淚落
故衣日暮兩寂寞飄然亦同歸

懊惱

惡詩皆得官好詩空抱山抱山冷燒燒終日悲
顏顏好詩更相嫉劍戟生牙關前賢死已久猶
在咀嚼間以我殘抄身清峭養高閑求閑未得
閑眾謂嗔虜虜

遊適上

遊城南韓氏莊

初疑瀟湘水鑲在朱門中時見水底月動搖池

上風

一作有時池底
山動搖池上風

清氣潤竹木白光連虛空浪簇

霄漢羽岸芳金碧叢何言數畝間環泛路不窮

願逐

一作
常慕

神仙侶飄然

一作
從茲

汗漫通

與二三友秋宵會話清上人院

何處山不幽此中情又別一僧敲一磬七子吟
秋月激石泉韻清寄枝風嘯咽冷然諸境靜頓
覺浮累滅扣寂兼探真通宵詎能輟

夜集

好鳥無雜棲華堂有嘉攜琴樽互傾奏歌賦相
和諧但嘉魚水合莫令雲雨乖一為鷓鴣彈再
鼓壯士懷初景待誰曉新春逐一作還君來願言良
友會高駕不知迴

招文士飲

曹劉不免死誰敢負年華文士莫辭酒詩人命
屬花退之如放逐李白自矜夸萬古忽將似一
朝同嘆嗟何言天道正獨使地形斜南士愁多
病北人悲去家梅芳已流管柳色未藏鴟相勸

罷吟雪相從愁飲霞醒時不可過愁海浩無涯

陪侍御叔遊城南山墅

夜坐擁腫亭晝登崔嵬岑日窺萬峯首月見雙
泉心松氣清耳目竹氛碧衣襟佇想一作仰悲琅玕字
數聽枯槁吟

登華嚴寺樓望終南山贈林校書兄弟

地脊亞為崖聳出冥冥中樓根插迥雲殿翼翔
危空前山胎元氣靈異生不窮勢吞萬象高秀
奪五岳雄一望俗慮醒再登仙願崇青蓮三居
士晝景真賞同

遊終南山

南山塞天地日月石上生高峯夜留景

太白峯西黃昏後見

餘日深谷晝未明山中入自正路險心亦平長風驅
松栢聲拂萬壑清到此悔讀書朝朝近浮名

遊終南龍池寺

飛鳥不到處僧房終南巔龍在水長碧雨開山
更鮮步出白日上坐依清溪邊地寒松桂短石
險道路一作苦磴偏晚磬送歸客數聲落遙天

南陽公請東櫻桃亭子春讌

萬木皆未秀一林先含春此地獨何力我公布

深仁霜葉日舒卷風枝遠埃塵初英濯紫霞飛
雨流清津賞異出囂雜折芳積歡忻文心茲焉
重俗尚安能珍碧玉糝粉比飛瓊穠艷均鴛鴦
七十二花態併相新常恐遺秀志迨茲廣讌陳
芳菲爭勝引歌詠竟良辰方知戲馬會永謝登
龍賓

遊華山雲臺觀

華嶽獨靈異草木恆新鮮山盡五色石水無一
色泉仙酒不醉人仙芝皆延年夜聞明星館時
韻女蘿絃敬茲不能寐焚栢吟道篇

喜與長文上人宿李秀才小山池亭
燈盡語不盡主人庭砌幽柳枝星影曙蘭葉露
華浮塊嶺笑羣岫片池輕衆流更聞清淨子逸
唱頗難儔

邀花伴

時有胡方

邊地春不足十里見一花及時須遨遊日暮饒
風沙

石淙十首

巖谷不自勝水木幽竒多朔風入空曲涇一作流
無大波迢迢逗難盡參差勢相羅雪霜有時洗

塵土無由和潔冷誠未厭晚步將如何

出曲水未斷入山深更重泠泠若仙語皎皎多
異容萬響不相雜四時皆自濃日月牙分照雲
霞各生峯久迷向方理逮茲聳前蹤

荒策每恣遠躑步難自迴已抱苔蘚疾一作痼尚凌

潺湲隈驛驥苦銜勒籠禽恨摧頽實力苟未足
浮誇信悠哉顧惟非時用靜言還自哈

朔水刀劍利秋石瓊瑤鮮魚龍氣不腥潭洞狀
更妍磴雪入呀谷掬星灑遙天聲忙一作迫不及韻

勢疾多斷漣輸去雖有恨躁氣一作翻一何顛蜿蜒

相纏掣犖角亦迴旋黑草濯鐵髮白苔浮水錢
具一作其生此云遙非德不可甄何況被犀士制之
空以權始知靜剛猛文教從來先

空谷聳視聽幽湍澤心靈疾流脫鱗甲疊岸衝
風霆丹巘墮瓌景霽波灼一作閃虛形淙淙厯厚軸

稜稜攢高冥弱棧跨旋碧危梯倚凝青飄颻鶴
骨仙飛動鼇背庭一作亭常聞誇大言下顧皆絀萍

百尺明鏡流千曲寒星飛爲君洗故物有色如
新衣不飲泥土污但飲雪霜飢石稜玉纖纖草
色瓊霏霏谷磴有餘力溪舂亦多機從來一智

萌能使衆利歸因之山水中喧然論是非

入深得竒趣昇險爲良躋搜勝有聞見逃俗無
蹤蹊穴流恣迴轉竅景忘東西戇獸鮮猜懼羅
人巧且第幽馳異處所忍慮多端倪虛獲我何
飽實歸彼非迷斯文浪云潔此旨誰得齊

屑珠瀉潺湲裂玉何威瓌若調千瑟絃未果一
曲諧古駭毛髮慄險驚視聽乖二一作土老皆勁骨

風趨緣欹崖地遠有餘一作遺美我遊採棄一作奇懷乘

時辛勤鑿前恨多幽霾弱力謝剛健蹇策貴安
排始知隨事靜何必當夕齋

昔浮南渡颺今攀朔山景物色多瘦削吟笑還
孤永日月凍有稜雪霜空無影玉噴不生冰瑤
渦旋成井潜角時聳光隱鱗乍漂罔再吟獲新
勝返步失前省愜懷雖已多惕慮未能整頽陽
落何處昇魄銜踈嶺

聖朝搜巖谷此地多遺玩怠墮成遠遊頑踈恣

靈一作虛觀勁飈刷幽視怒水懾餘湍一作湍曾是結芳

一作茅誠遠茲勉流倦冰條聳危慮霜翠瑩遐盼物

誘信多端荒尋諒難遍去矣朝之隅脩然楚之
甸

遊韋七洞庭別業

洞庭如瀟湘疊翠蕩浮碧松桂無赤日風物饒

清激逍遙展幽韻參差逗良覲道勝不知疲冥

搜自無斃曠然青霞抱永矣白雲適崆峒非凡

鄉蓬瀛在仙籍無言從遠尚還思君子識一作茲

敵波濤漱古岸鏗鏘辨竒石靈響非外求殊音自

中積人皆走煩濁君能致虛寂何以祛擾擾叩

調清浙浙旣懼豪華損誓從詩書益一舉獨往

姿再搖飛遁跡山深有變異意愜無驚惕采翠

奪日月照曜迷晝夕松齋何用掃蘿院自然滌

業峻謝煩蕪文高追古昔暫遙朱門戀終立青
史績物表易淹留人間重離析難隨洞庭酌且
醉橫塘席

越中山水

日一作動覺耳目勝我來山水州蓬瀛若髣髴田一作四
野如泛浮碧嶂幾千遶清泉一作源萬餘流莫窮合
沓步孰盡派別遊越水淨難污越天陰易收氣
鮮無隱物日視遠更周舉俗一作族媚葱蒨連冬擷
芳柔菱湖有餘翠茗圃無荒疇賞異忽已遠探
竒誠淹留永言終南色去矣銷人憂

春集越州皇甫秀才山亭

嘉賓

一作嘉誘
一作善友

在何處置亭春山巔顧余寂寞者謬

厠芳菲筵視聽日澄澈聲光坐連綿晴湖瀉峯
嶂翠浪多萍蘚何以逞高志為君吟秋天一作秋篇

和皇甫判官遊琅琊溪

山中琉璃境物外琅琊溪房廊逐巖壑道路隨
高低碧瀨漱白石翠煙含青蜺客來暫遊踐意
欲忘簪珪樹杪燈火夕雲端鐘梵齊時同雖可
仰跡異難相攜唯當清宵夢髣髴願一作期攀躋

孟東野詩集卷第四

孟東野詩集卷第五

遊適下

汝州南潭陪陸中丞公燕

一雨百泉漲南潭夜來深分明碧沙底寫出青
天心遠客洞庭至因茲滌煩襟旣登飛一作青雲舫
願奏清風琴高岸立旗戟潛蛟失一作牙浮沈威稜
護斯浸翹翹逃所侵山態變初霽水聲流清音
耳目極眺聽潺湲與嶽岑誰言柳太守空有白
蘋吟

汝州陸中丞席喜張從事至同賦十韻

汝水無濁波汝山饒竒石大賢爲此郡佳士來
如積有客乘白駒奉義愜所適清風蕩華館雅
瑟泛瑤席芳醕靜無喧金樽光有滌縱情孰慮
損聽論自招益願折若木枝却彼曜靈夕貴賤
一相接一作憂情一作悰忽轉易會合勿言輕別離古
來惜請君駐征車良遇難再覲

夜集汝州郡齋聽陸僧辯彈琴

康樂寵詞客清宵意無窮徵文北山一作外借月
南樓中千里愁併盡一樽歡暫同胡爲憂楚琴
淅瀝起寒風

同年春燕

少年三十士嘉會良在茲高歌搖春風醉舞摧
花枝意蕩晚晚景喜凝芳菲時馬跡攢驥馭樂
聲韻參差視聽改舊趣物象含新姿紅雨花上
滴綠煙柳際垂淹中講精義南皮獻清詞前賢
與今人千載爲一期明鑒有皎潔澄玉無磷緇
永與沙泥別各整雲漢儀盛氣自中積英名日
四馳塞鴻絕儔匹海月難等夷鬱抑所已盡親
朋樂無涯幽蘅發空曲芳杜綿所思浮跡自聚
散壯心誰別離願保金石志無今有奪移

羅氏花下奉招陳侍御

眼在枝上春落地成埃塵不是風流者誰為攀
折人寧辭波浪濶莫道往來頻拾紫豈宜晚掇
芳須及晨勞收賈生淚強起屈平身花下本無
俗酒中別有神遊蜂不飲故戲蝶亦爭新萬物
盡如此過時非所珍

遊石龍渦

四壁千仞
散泉如雨

石龍不見形石雨如散星山下晴皎皎山中陰
泠泠水飛林木杪珠綴莓苔屏蓄異物皆別當
晨景欲暝泉芳春氣碧松月寒色青險一作陰力此

獨壯猛獸亦不停日暮且迴去浮心恨一作尚未寧

浮石亭

曾是風雨力崔嵬漂來時落星夜皎潔近榜朝
逶迤翠澗遞明滅清漑瀉歆危况逢蓬島仙會
合良在茲

看花五首

家家有一作如芍藥不妨至溫柔溫柔一同女紅笑
笑不休月娥雙雙下楚艷枝枝浮洞裏逢仙人

一作幸逢
仙人立綽約青一作清宵遊

芍藥誰為壻人人不敢來唯應待詩老日日殷

勤開玉立無氣力春凝且徘徊將何謝青春痛
飲一百杯

芍藥吹欲盡無奈曉風何餘花欲誰待唯待諫
郎過諫郎不事俗黃金買高歌高歌夜更清花
意晚更多

飲之不見底醉倒深江波江波蕩諫心諫心終
無他獨遊終難醉挈榼徒經過閑花不解語勸
得酒無多

三年此村落春色入心悲料得一孀婦經一作他時
獨淚垂

濟源春

太行橫偃脊百里芳崔嵬濟濱花異顏枋口雲
如裁新畫彩色濕上界光影來深紅縷草木淺
碧珩泝洄千家門前飲一道傳襖杯玉鱗吞金
鈎仙璇琉璃開朴童茂言語善俗無驚猜狂吹
寢恒宴曉清夢先迴治生鮮惰夫積學多深材
再遊詎癩癯一洗驚塵埃

濟源寒食七首

風巢娟娟春鷓鴣無子老人仰面嗟柳弓葦箭
觴一作矢覩不見高紅遠綠勞相遮

女嬋一作蟬童子黃短短耳中間人惜春晚逃蜂匿
蝶踏地來拋却齋糜一瓷椀

一日踏春一百迴朝朝沒脚走芳埃饑童餓馬
掃花餵向晚飲溪三兩杯

莓苔井上空相憶轆轤索斷無消息酒人皆倚
春鬢綠病叟獨藏秋髮白

長安落花飛上天南風引至三殿前可憐春物
亦朝謁唯我孤吟渭水邊

枋口花間掣手歸嵩陽一作山為我留一作駐紅暉可憐
躑躅千萬尺柱地柱天疑一作今欲飛

蜜蜂為主各磨牙咬盡村中萬木花君家甕甕
今應滿五色冬籠甚可誇

遊枋口二首

一步復一步出行一作行路千里幽為取山水意故作

寂寞遊太行青巔高枋口碧照浮明明無底鏡
泛泛忘機鷗老逸不自限病狂不可周恣閑饒

淡薄怠玩多淹留芳物競晚晚綠梢桂新柔和
友鶯相遶言語亦以稠一作和友鶯相遠飛鷹亦以稠始知萬類然

靜躁難相求

聳我殘病骨健如一仙人鏡中照千里鏡浪洞

百神此神日月華不作尋常春三十夜皆明四
時晝恒新鳥聲盡依依獸心亦忻忻澄幽出所
怪閃異坐微細可來復可來此地靈相親

與王二十一負外涯遊枋口柳溪

萬株古柳根挈此磷磷溪野榜多屈曲仙潭無
端倪春桃散紅煙寒竹含晚淒曉聽忽以異芳
樹安能齊共疑落鏡中坐泛紅景低水意酒易
醒浪情事非迷小儒峭章句大賢嘉提攜潛竇
韻靈瑟翠崖鳴玉珪主人稷卨翁德茂芝朮畦
鑿出幽隱端氣象皆昇躋曾是清樂抱逮茲幾

省溪宴位席蘭草濫觴驚鳧鷖靈味薦魴辦金
花屑橙壑江調擺衰俗洛風遠塵泥徒言奏狂
猶詎敢忘筌蹄

與王二十一負外涯遊昭成寺

洛友寂寂約省騎霏霏塵遊僧步晚磬話茗含
芳春一作苗瑶策冰入手粉壁畫瑩神頽廊芙蓉霽
碧殿琉璃津一作勻玄講島一作海岳盡淵詠文字新屢
笑寒竹讌况接青雲賓顧慙餘眷下衰瘵嬰殘
身

嵩少

沙彌舞袈裟走向躑躅飛閑步亦惺惺芳援相
依依噎塞春咽喉蜂蝶事光輝羣嬉且已晚孤
引將何歸流艷去不息朝英亦踈微

旅次洛城東水亭

水竹色相洗碧花動軒楹自然逍遙風蕩滌浮
競情霜落葉聲燥景寒人語清我來招隱亭衣
上塵暫輕

洛橋晚望

天津橋下水初結洛陽陌上人行絕榆柳蕭疎
樓閣閑月明直見嵩山雪

居處

北郭貧居

進乏廣莫力退爲蒙瀧一作籠居三年失意歸四向
相識踈地僻草木壯荒條扶我廬夜貧燈燭絕
明月照吾書欲識貞靜操秋蟬飲清虛

題陸鴻漸上饒新開山舍

驚彼武陵狀移歸此巖邊開亭擬貯雲鑿石先
得泉嘯竹引清吹吟花成一作討新篇乃知高潔情
擺落區中緣

題韋承總吳王故城下幽居

韋生相
門子孫

封一作

才飽身自貴巷荒門豈貧韋生堪繼相孟子願
依鄰夜思琴一作酒語切晝情茶味新霜枝留過鵲
一作鶴風竹掃蒙塵郢唱一聲發吳花千片春對君
何所得歸去覺情真一作真

蘇州崑山惠聚寺僧房

昨日到上方片雲掛石牀錫杖莓苔青袈裟松
栢香晴磬無短韻古燈含永光有時乞鶴歸還
訪一作放逍遙場

題從叔述靈巖山壁

換却世上心獨起山中情露衣涼且鮮雲策高

復輕喜見夏日來變為松景清每將逍遙聽不
獸颼颼聲遠念塵末宗未踈俗間名桂枝一作科妄
舉手一作意萍路空勞生仰謝開淨絃相招時一鳴

題林校書花巖寺書窻

隱詠不誇俗問禪徒淨居翻將白雲字一作寺寄向
青蓮書擬古投松坐就明開紙疏昭昭一作綿綿南山
景獨與心相如

藍溪元居士草堂

市井不容義義歸山谷中夫君宅松桂招我棲
蒙籠人朴情慮肅境閑一作開視聽空清溪宛轉水

脩竹徘徊風木倦採樵子土勞稼穡翁讀書業
雖異敦本志亦同藍岸青漠漠藍峯碧崇崇日
昏各命酒一作返寒蛩鳴蕙叢一作寒鹿
鳴荒叢

新卜青羅幽居奉獻陸大夫

黔婁住何處仁邑無餒一作飢寒豈誤舊羈旅變為
新閑安二頃有餘食三農行可觀籠禽得高巢
轍鮒還層瀾鬻鬻桑柘墟紛紛田里歡兵戈忽
消散耦耕非艱難嘉木偶良酌芳陰庇清彈力
農唯一事趣世徒萬端靜覺本相厚動為末所
殘此外有餘暇鋤荒出幽藪

酬孟十二新居見寄

陸長源

大道本夷曠高情亦冲虚因隨白雲意偶逐青
羅居青羅分蒙密四序無慘舒餘清濯子襟散
彩還吾廬去歲登美第榮名在公車將必繼管
蕭豈唯躡應徐首夏尚清和殘芳遍丘墟褰幃
映窻柳汲井滋園蔬達者貴知心古人不願餘
愛君蔣生逕且著茂陵書

題韋少保靜恭宅藏書洞

高意合天製自然狀無窮仙華凝四時玉蘚生
數峯書秘漆文字匣藏金蛟龍閑為氣候肅開

作雲雨濃洞隱諒非久巖夢誠必通將綴文士
集貫就真珠叢

生生亭

灘鬧不妨語跨溪仍一作宜置亭置亭帶嶮頭開窓

納遙青遙青新畫出三十六扇屏裊裊立平地

稜稜浮高冥一日數開扉仙閃目不傳徒誇遠

方岫曷若中峯靈拔意千餘丈浩言永堪銘浩

言無愧同愧同忍醜醒致之未有力力在君子

聽

寒溪八首

霜一作路洗水色盡寒溪見纖鱗幸臨虛空鏡照此

殘悴身潜滑不自隱露底瑩更新豁如君子懷

曾是危陷人始明淺俗心夜結朝已津淨漱一

掬碧遠消千慮塵始知泥步泉莫與山源鄰

洛陽岸邊道孟氏莊前溪舟行素冰折一作舟行

聲作清瑤嘶綠水結綠玉白波生白珪明明寶

鏡中物物天照齊仄步下危曲攀枯聞孀啼霜

芬一作宿霧稍消一作蕭索歇凝景微茫齊癡坐直視聽慙

行失蹤蹊岸童斲棘勞語言多悲悽

曉飲一杯酒踏雪過清溪波瀾凍爲刀剗割鳧

與鷺宿羽皆翦棄血聲沈沙泥獨立欲何語默
念心酸嘶凍血莫作春作春生不齊凍血莫作
花作花發孀啼幽幽棘針村凍死難耕犁

篙工碓玉星一路隨迸螢朔凍哀澈底獠饑咏
潛鯉冰齒相磨齒風音酸鐸鈴清悲不可逃洗
出纖悉聽碧激卷已盡彩縷飛飄零下躡滑不
定上棲折難停哮嗶啞冤仰訴何時寧

一曲一直水白龍何鱗鱗凍颼雜碎號壑音坑
谷辛柝榆吃無力飛走更相仁猛弓一折絃餘
喘爭來賓大嚴

立小殺不復陳皎皎何皎

皎氤氳復氤氳瑞精刷日月高碧開星辰獨立
兩脚雪孤吟千慮新天欖徒昭昭箕舌虛斷斷
堯聖不聽汝孔微亦有臣諫書竟成章古義終
難陳

因凍死得食殺風仍不休以兵爲仁義仁義生
刀頭刀頭仁義腥君子不可求波瀾抽劍冰相
劈如仇讎大雪入魚心魚心明愀愀况如罔兩
說似訴割切由誰使異方氣入此中土流翦盡
一月春閉爲百谷幽仰懷新霽光下照疑憂愁
溪老哭甚寒涕泗冰珊珊飛死走死形雪裂紛

東野詩五
心肝劔刃凍不割弓絃彊難彈常聞君子武不
食天殺殘斲玉掩骼齒吊瓊哀闌干
溪風擺餘凍溪景銜明春玉消花滴滴虬解光
鱗鱗懸步下清曲消期濯芳津千里冰裂處一
勺暖亦仁凝精牙相洗漪連競將新忽如劔瘡
盡初起百戰身

立德新居十首

立德何亭亭西南聳高隅陽崖洩春意井圃留
冬蕪勝引即紆道幽行豈通衢碧峯遠相揖清
思誰言孤寺秩雖未貴家醪良可哺

聳城架霄漢潔宅涵網緼開門洛北岸時鎖嵩
陽雲夜高星辰大晝長天地分厚韻屬踈語薄
名謝囂聞茲焉有殊隔永矣難及羣

賓秩已覺厚私儲常恐多清貧聊自爾素責將
如何儉教先勉力修襟無餘他良棲一枝木靈
巢片葉荷仰笑鷗鵬輩委身拂天波

踈門不掩水洛邑寒更高曉碧流視聽夕清濯
衣袍爲於仁義得未覺登陟勞遠岸雪難暮勁
枝風易號霜禽各嘯侶吾亦愛吾曹

崎嶇有懸步委曲饒荒尋遠樹足良木踈巢無

爭禽素魄銜夕岸綠水生曉濤空曠伊洛視髣
髴瀟湘心何必尚遠異憂勞滿行襟

懸途多仄足崎圃無脩畦芳一作霜蘭與宿艾手擷

心不迷品子懶讀書駘駒難服犁虛食日相役
奔腸詎能低恥從新學遊願將古農齊

都城多聳秀愛此高縣居伊雒遶街巷鴛鴦飛
閭閻翠景何的礫霜颺飄空虛突出萬家表獨

治二畝蔬一作餘一旬一手版十日九手鋤

手鋤良自勗激勸亦已饒畏彼梨栗兒空資玩
弄驕夜景卧難盡晝光坐易消治舊得新義耕

荒生嘉苗鋤治苟愜適心形俱逍遙

玉蹄裂鳴水金綬忽照門拂拭貧士席拜侯丞
相軒德踈未爲高禮至方覺尊豈惟耀茲日可
以榮遠孫如何一陽朝獨荷衆瑞繁

東南富水木寂寥蔽光輝此地足文字及時隘
驂駢仄雪踏爲平澀行變如飛今畦生氣色嘉
綠新霏微天意資厚養賢人肯相違

末二章冬至日鄭相至門以屬焉

孟東野詩集卷第五 丙辰六月十九日校

孟東野詩集卷第六

行役

西上經靈寶觀

觀即尹真人舊宅

道士無白髮一作言靈泉清青松多壽色白石
 恒夜明放步霽霞起振衣華風生真文秘中頂
 寶氣浮四楹一片古關路萬里今人行上仙不
 可見驅策徒西征孤字從英華注集作驅

泛黃河

誰開崑崙源流出混沌河積雨一作羽飛一作驚龍
 噴為波湘瑟颼颼絃越賓一作賓鳴咽歌有恨一作雙眼不

可洗虛此來經過

往河陽宿峽陵寄李侍御

暮天寒風悲屑屑。啼鳥遶樹泉。水噎行路。解鞍投古陵。蒼蒼隔山見。微月鴟鳴犬。吠霜煙昏開。囊拂巾對盤殮。人生窮達。感知已。明日投君申片言。似太白而兼有張王之長

鴟路溪行呈陸中丞

鴟路不可越。二十六渡溪。有物飲碧水。高林挂青蜺。歷覽道更險。驅使跡頻睽。視聽易常主。心魂耳相迷。浪石忽搖動。沙堤信難躋。危峯紫霄

外古木浮雲齊。出阻望汝羣。大賢多招攜。疲馬戀舊秣。羈禽思故棲。應憐泣楚玉。棄置如塵泥。

獨宿峴首憶長安故人

月迴一作迥無隱物。況復大江秋。江城與沙村。人語風颼颼。峴亭當此時。故人不同遊。故人在長安。亦可將夢求。

自商行謁復州盧使君處

一身遶千山。遠作行路人。未遂東吳歸。暫出西京塵。仲宣荊州客。今余一作為竟陵賓。往蹟雖不同。託意皆有因。商嶺莓苔滑。石坡上下頻。江漢沙

泥潔水白一作水白光景新獨淚起殘夜孤吟望初晨
驅馳竟何事章句依深仁

夢澤行作

楚山爭蔽虧日月無全輝楚路饒迴惑旅人有
迷歸騏驥思北首鷓鴣願南飛我懷京雒遊
未厭風塵衣

京山行

衆崑聚病馬流血不得行後路起夜色前山聞
虎聲此時遊子心百尺風中旌

旅次湘沅有懷靈均

分拙多感激久遊遵長途經過湘水源懷古方

踟躕舊稱楚靈均此處殞忠軀側聆故老言遂

得旌賢愚名參君子場行爲小人儒騷文銜貞

亮體物情崎嶇三黜有愠色即非賢哲模五十

爵高秩謬膺從大夫曾中積憂愁容鬢復一作先周

枯死爲不弔鬼生作猜謗徒吟澤潔其身忠節

寧見輸懷沙滅其性孝行焉能俱且聞善稱君

一何善自殊且聞過稱已一何過不渝悠哉風

土人角黍投川隅相傳歷千祀哀悼延八區如

今聖明朝養育無羈孤君臣逸雍熙德化盈紛

敷巾車狗前侶。白日猶昆吾。寄君臣子心。戒此真良圖。辭旨淺局為不如及離騷也

過彭澤

揚帆過彭澤。舟人訝歎息。不見種柳人。霜風空寂歷。

過分水嶺

山壯馬力短。路行石齒中。十步九舉轡。迴環失西東。溪水變為雨。懸崖陰濛濛。客衣颼颼秋。暮花零落風。白日捨我沒。一作去征途忽然窮。

分水嶺別夜示從弟寂

一作示于孟叔

路英華作馬懸

宋本有

南中少平地。山水重疊生。別泉萬餘曲。迷舟獨難行。四際亂峯合。一眺千慮并。潺湲冬夏冷。光彩晝夜明。賞心難久勝。離腸忽自驚。古木搖霽色。高風動秋聲。一作古木解舊葉迴風結秋聲飲爾一樽酒。慰我百憂輕。嘉期何處定。此晨堪寄情。按飲奉劉作餘

連州吟三章

此韓子貶山陽時作

春風朝夕起。吹綠日日深。試為連州吟。淚下不可禁。連山何連連。連天碧岑岑。猿哭花死子規裂。客心蘭芷結。新佩瀟湘遺。舊音怨聲能。翦絃坐撫零落琴。

羽翼不自有相追力難任唯憑方寸靈獨夜萬
里尋方尋魂颺颺南夢山嶠嶽髣髴驚魍魎悉
罕聞楓林正直被放者鬼魅無所侵賢人多安
排俗士多虛歎飲作孤懷吐明月衆毀鑠黃金願
君保玄曜壯志無自沈

朝亦連州吟暮亦連州吟連州果有信一紙萬
里心開緘白雲斷明月憶衣襟南風嘶舜瑄苦
竹動猿音萬里愁一色瀟湘雨濔濔兩劍忽相
觸雙蛟恣浮沈鬪水正迴幹倒流安可禁空愁
江海信驚浪隔相尋

旅行

楚水結冰薄楚雲爲雨微野梅參差發旅榜道
遙歸按爲雨秦刻作爲雪

紀贈

上河陽李大夫

上將秉神畧至兵無猛威三軍當嚴冬一撫勝
重衣霜劍奪衆景夜星失長輝蒼鷹獨立時惡
鳥不敢飛武牢鎖天關河橋紐地機大將奚以
安守此稱者稀貧士少顏色貴門多輕肥試登
山岳高方見草木微山岳恩旣廣草木心皆歸

養士起待士結

孟詩所以近古全在行餘
起伏峭而不促

投贈張端公

英華小贈裴相端公

君子量不極。曾吞百川流。嫉邪霜氣直。問俗春
辭柔。日戶晝輝靜。月杯宵景幽。詠驚芙蓉發。笑
激風飈秋。鸞步獨無侶。鶴音仍寡儔。幸沾分寸
顧。散此千萬憂。

贈蘇州韋郎中使君

謝客吟一聲。霜落羣聽清。文含元氣柔。鼓動萬
物輕。嘉木依性植。曲枝亦不生。塵埃徐庾詞。金
玉曹劉名。章句作雅正。江山益鮮明。蘋萍一浪
草。菰蒲片池榮。曾是康樂詠。如今塞其英。顧惟

武云柔字輕字下得妙

菲薄質亦願將此并

上張徐州

不入海不入山。直覺得異途。句
恐其眾。人遇我。却言大德一
施何。以婉而深也

為水不入海。安得浮天波。為木不在山。安得橫
日柯。再來君子傍。始覺精義多。一作大德唯一施。
眾情自偏頗。至樂無一作宮徵。至聲遺謳謔。願鼓
空桑絃。永使萬物和。顧已誠拙訥。干名已蹉跎。
獻詞唯在口。所欲無餘他。乍作支泉石。乍作擊
松蘿。一不改方圓。破質為琢磨。賤子本如此。大
賢心若何。豈是無異途。異途難經過。

上包祭酒

東子詩下

容字從
英華
仍請

武云真從東野肺腑流出

岳岳冠蓋彥。英英文字雄。瓊音獨聽時。塵韻固
不同。春雲生紙上。秋濤起曾中。時吟五君詠。再
舉七子風。何幸松桂侶。見知勤苦功。願將黃鶴
翅。一借飛雲空。

贈崔純亮別

食。薺。腸。亦。苦。強。歌。聲。無。歡。出。門。即。有。礙。誰。謂。天
地。寬。有。礙。非。遐。方。長。安。大。道。傍。小。人。知。慮。險。平
地。生。太。行。鏡。破。不。改。光。蘭。死。不。改。香。始。知。君。子
心。交。久。道。益。彰。君。心。與。我。懷。離。別。俱。迴。遑。譬。如
浸。藥。泉。流。苦。來。日。長。忍。泣。目。易。衰。忍。憂。形。易

宋本始知君子心交久道益彰
日長忍憂形易
夏長
作悲見
仰自

傷。項。籍。非。不。壯。賈。生。非。不。良。當。其。失。意。時。涕。泗
各。沾。裳。古。人。勸。加。食。此。食。難。自。強。一。飯。九
祝。噎。一。嗟。十。斷。腸。況。是。兒。女。怨。怨。氣。凌。彼。蒼。彼
蒼。昔。有。知。白。日。下。清。霜。今。朝。始。驚。歎。碧。落。空
茫茫

贈文應上人

棲。遲。青。山。巔。高。靜。身。所。便。不。踐。有。命。草。但。飲。無
聲。泉。齋。性。空。轉。寂。學。情。深。更。專。經。文。開。貝。葉。衣
製。垂。秋。蓮。馱。此。俗。人。羣。暫。來。還。却。旋

嚴河南

宋本沾
宗本况
是無一
昔英華
碧落廣
月記作日

隱圃坊沽

發端微不類

語高風

赤令風骨峭。語言清霜寒。不必用雄威。見者毛
髮攢。我有赤令心。未得赤令官。終朝衡門下。忍
志將筑彈。君從西省郎。正有東洛觀。洛民蕭條
久。威恩憫撫難。苦竹聲嘯雪。夜齋聞干竿。詩人
偶寄耳。聽苦心多端。多端落杯酒。酒中方得歡。
隱士多隱酒。此言信難刊。取次令坊沽。舉止務
在寬。何必紅燭嬌。始言清宴闌。丈夫莫矜莊。矜
莊不中看。多爾孟字作法。杯酒似不學者。忘其改
下句中字不相背矣。

贈李觀

觀初登第

誰言形影親。燈滅影去身。誰言魚水歡。水竭魚

枯一作鱗昔為同恨客。今為獨笑人。捨予在泥轍。
飄跡上雲津。卧木易成蠹。棄花難再春。何言對
芳景。愁望極蕭晨。埋劍誰識氣。匣絃日生塵。願
君語高風。為余問蒼旻。

吳安西館贈從弟楚客

一無客字

蒙籠楊柳館。中有南風生。風生今為誰。湘客多
遠情。孤枕楚水夢。獨帆楚江程。覺來殘恨深。
尚與歸路并。玉匣五一作正絃在。請君時一鳴。

贈章仇將軍

將軍不誇劍。才氣為英雄。五岳拽力內。百川傾

意中本立誰敢拔。飛文自難窮。前時天地翻已。
有扶正功

贈道月上人

僧貌淨無點。僧衣寧綴華。尋常晝日行。不使身
影斜。飯木煮松栢。坐山敷一作邀雲霞。欲知禪隱高。
緝薜為袈裟。

杼情因上郎中二十二叔監察十五叔

兼呈李益端公柳鎮鎮評事

方憑指下絃。寫出心中言。寸草賤子命。高山主人恩。遊邊風沙意。夢楚波濤魂。一日引別袂。九

柳鎮子厚之文也嘗為大理評事

迴。霑淚痕。自悲何以然。在禮闕晨昏。名利時轉。
甚。是非宵亦喧。浮情少定主。百慮隨世翻。舉此
曾臆恨。幸從賢哲論。明明三飛鸞。一作步兵與雙鸞照物如
朝暎。

贈城郭道士 贈疑作惆

望裏失却山。聽中遺却泉。松枝休策雲。藥囊翻
貯錢。曾依青桂鄰。學得白雲絃。別來意未迴。世
上為隱仙。

桐廬山中贈李明府

靜境無濁氛。清雨零碧雲。千山不隱響。一葉動

別別

白雪宋
作白雲
別。近
劉。朱
宗。別。

杼。宗。本
作。杼。鎮
字。以。意
改。宗。作
鎮。

亦聞即此佳志士。精微誰相羣。欲識楚一作章句袖中蘭。芭薰。

獻漢南樊尚書

天下昔崩亂。大君識賢臣。衆木盡搖落。始見竹色真。兵勢走山岳。陽光潛埃塵。心開玄女符。面縛清波人。異俗既從化。澆風亦歸淳。自公理斯郡。寒谷皆變春。旗影卷赤電。劍鋒匣青鱗。如何嵩高氣。作鎮楚水濱。雲鏡忽開霽。一作景孤光射無垠。乃知尋常鑒。照影不照神。

贈轉運陸中丞

掌運職既大。摧邪名更雄。鵬飛簸曲雲。鸚怒生直風。投彼霜雪令。剪除荆棘叢。楚倉傾向西。吳米發一作登自東。帆影咽河口。車聲聳關中。堯知才策高。人喜道路通。皆驚內史力。繼得鄼侯功。萊子真為少。相如未免窮。衣花野菡萏。書葉山梧桐。不是宗匠心。誰憐久棲蓬。

贈萬年陸郎中

天子憂劇縣。寄深華省郎。紛紛風響珮。蹙蹙劍開霜。舊事笑堆案。新聲唯雅章。誰言百里才。終作橫天梁。江鴻恥承眷。雲津未能翔。徘徊塵俗

赤米白盡歸茶紫麥同
此後麗

百步謂
百步廟
也宗本
無一作

定遠批友說親便有體若
慈恩而不款歸便可傷大義

時文之名出此詩

宋本作得波浪

末四句仍不在座主慈恩所
以終慈恩之句語而大君良
佐之句皆有照應也

中短毛毳無輝光

擢第後東歸書懷獻座主呂侍郎

昔歲辭親淚。今為慈恩泣。去住情難並。別離景
易戢。天矯大空鱗。曾為小泉蟄。幽意獨沈時。震
雷忽相及。神行既不宰。直致非所執。至運本遺
功。輕生各一作各自立。大君思此化。良佐自然集。寶
鏡無私光。時文有新習。慈親誠志就。賤子歸情
急。擢第謝靈臺。牽衣一作名出皇邑。行襟海日曙。逸
抱江風入。蒹葭得波浪。芙蓉紅岸隰。雲寺勢動
搖。山鐘韻噓吸。舊遊期再踐。懸水得重挹。松蘿

誠美年
作誠

綠字從
美年隄
字以意
改

雖可居青紫。終當拾

定遠批句：得大體

古意贈梁肅補闕

曲木忌日影。讒人畏賢明。自然照燭間。不受邪
佞輕。不有百鍊火。孰知寸金精。金鉛正同一作鑪

願分精與麤

一作金鉛正同
鑪前分精與麤

贈黔府王中丞楚

舊說天下山。半在黔中青。又聞天下泉。半落黔
中鳴。山水千萬遶。中有君子行。儒風一以扇。汗
俗心皆平。我願中國春。化從異方生。昔為陰草
毒。今為陽華英。嘉實綴綠蔓。涼湍瀉清聲。逍遙

物景勝。視聽空曠。并困驥。猶在轅。沈珠尚隱。精
路遐莫及。盼明泥污日已盈。歲宴將何從。落葉甘
自輕。

上達奚舍人

北山少日月。草木苦風霜。貧士在重坎。食梅有
酸腸。萬俗皆走圓。一身一作心猶學方。常恐衆毀至。
春葉成秋黃。大賢秉高鑒。公燭無私光。暗室曉
未一作來及。幽吟涕空行。

贈主人

斗水瀉大海。不如瀉枯池。分明賢達交。豈顧豪
華兒。海有不足流。豪有不足資。枯鱗易爲水。貧
士易爲施。幸覩君子席。會將幽賤期。側聞清風
議。如飲黃金卮。此道與日月。同光無盡時。

贈建業契公

師住青山寺。清華常遶身。雖然到城郭。衣上不
棲塵。

獻襄陽于大夫

襄陽青山郭。漢江白銅堤。謝公領茲郡。山水無
塵泥。鐵馬萬霜雪。絳旗千虹蜺。風猗參差泛。石
板重疊躋。舊淚不復墮。新歡居然齊。還耕竟原

野歸老相扶。攜物色增暖。暖寒芳更萋。萋淵清。
有遐畧。高躅無近蹊。一作衆賦無暴掠與歌有安綏即此富蒼翠。自
然引翔棲。曩遊常抱憶。夙好今尚睽。願言從逸
轡。暇日凌清溪。

贈鄭夫子魴

鄭疑作鄧白樂天有鄧魴張激落華詩云懷我二夫子又有讀鄧魴詩言其似陶潛

天地入曾臆。吁嗟生風雷。文章得其微。物象由
我裁。宋玉逞大句。李白飛狂才。苟非聖賢心。孰
與造化該。勉矣鄭夫子。驪珠今始胎。

大隱坊三首

崔從事鄭以直隳職

一作官

詠字本
作訪

古人留清風。千載遙贈君。破松見貞心。裂竹看
直文。殘月色不改。高賢德常新。家懷詩書富。宅
抱草木貧。安得一蹄泉。來化千尺鱗。含意永不
語。鈞璜幽水濱。

章仇將軍良棄功守貧

飲君江海心。誰一作誰能辨淺深。揖君山岳德。誰能

齊嶽岑。東海精為月。西岳氣凝金。進則萬景晝

一作盡退則羣物陰。我欲薦此言。天門峻沈沈。風飈

亦感激。為我颼颼吟。

趙記室傲在職無事

字本詎
作詎

得文粹
作排來
作未

卑靜身後老。高動物先摧。方圓水任器。剛勁木成灰。大道母羣物。達人腹衆才。時吟堯舜篇。心向無爲開。彼隱山萬曲。我隱酒一杯。公庭何所有。日日清風來。

贈韓郎中愈二首

何以定

一作結

交契贈君高山石。何以保貞堅。

一作好

青松色。貧居

一作交

過此外無可相彩飾。聞君碩鼠

詩吟之淚空滴。

碩鼠既穿墉。又齒機上絲。穿墉有閑餘。

一作餘

土齒絲

無餘衣。朝吟枯桑柘。暮泣穿杼機。豈是無工妙。

衣女稱作此

其風文粹作

居無一作

下無作

字本堅

絲斷將何施。衆人上肥華。志士多飢羸。願君保

此節

一作願保此貞節

天意當察微

一本連上

作一首詩

前日遠別離。今日生白髮。欲知萬里情。曉卧半

牀。月常恐百蟲秋。使我芳草歇。

一本無此篇

戲贈无本二首

長安秋聲乾。木葉相號悲。瘦僧卧冰凌。朝

一作朔

詠

含金瘕。金瘕非戰痕。峭病方在茲。詩骨聳東野。

詩濤湧退之。有時踉蹌行人驚。鶴阿師可惜李

杜。死不見此狂癡。

燕僧聳聽詞。袈裟喜新翻。北岳厭利殺。玄功生

多字從英華

微言天高亦可飛。海廣亦可源。文章杳無底。斷掘誰能根。夢靈鬚。到匠我方與論。拾月鯨口邊。何人免為吞。燕僧擺造化。萬有隨手奔。補綴雜霞衣。笑傲諸貴門。將明文在身。亦爾一作道所存。朔雪凝別句。朔風飄征魂。再期嵩少遊。一訪蓬蘿村。春草步步綠。春山日日暄。遙鶯相應吟。晚聽恐不繁。相思塞心膺。高逸難攀援。

乙丑二月二十六日臨何義門評校本 藏園主人

孟東野詩集卷第六 六月二十一日校

孟東野詩集卷第七

懷寄

寄張籍

夜鏡不照物。朝光何時昇。黯然秋思來。一作暗然走入志士膺。志士惜時逝。一宵三四興。清漢徒自朗。濁河終無澄。舊愛忽已遠。新愁坐相凌。君其隱壯懷。我亦逃名稱。古人貴從晦。君子忌黨朋。傾敗生所競。保全歸矜矜。一作苦情浮雲何當來。潛虬會飛騰。

憶周秀才素上人時聞各在一方

按匠字 秦作對

東西分我情。魂夢安能定。野客雲作心。高僧月
爲性。浮雲自高閑。明月常空淨。衣敝得古風。居
山無俗病。吟聽碧雲語。手把青松柄。羨爾欲寄
書。飛禽杳難倩。

舟中喜遇從叔簡別後寄上時從叔初
擢第歸江南郊不從行

一意兩片雲。暫合還却分。南雲乘慶歸。北雲與
誰羣。寄聲千里風。相喚聞不聞。

懷南岳隱士二首

見說祝融峯。擎天勢似騰。藏千尋瀑布。出十八

高僧古路無人跡。新霞吐石稜。終居將爾叟。一
共余登。

千峯映碧湘。真叟此中藏。飯不煮石喫。眉應似
髮長。楓榭搯酒甕。鶴虱落琴牀。強效忘機者。斯
人尚未忘。

春夜憶蕭子真

半夜不成寐。燈盡又一作夕無月。獨向堦前立。子規
啼不歇。況我有金蘭。忽爾爲胡越。爭得明鏡中
久長無白髮。

寄院中諸公

奕奕秋水傍。駸駸綠雲蹄。月仙有高曜。靈鳳無
卑棲。翠色遠雲谷。碧華凝胎溪。竹林遞歷覽。雲
寺行攀躋。冠豸猶屈蠖。匣龍期剗犀。千山驚月
曉。百里聞霜輦。戎府多秀異。謝公期相攜。囚之
仰羣彥。養拙固難齊。

寄洛州李大夫

自從薊師反。中國事紛紛。儒道一失所。賢人多
在軍。鳥巢憂迸射。鹿耳駭驚聞。劔折唯恐一作匣
匣弓貪不讓勲。方知省事將。動必謝前羣。鸛陣
常先罷。魚符最晚分。步閑洛水曲。笑激太行雲。

作唯忽更佳輕出而致屈折
由唯以在匣為忽也

笑疑作
竹兒未詳
即用郭似

詩叟未相識。竹兒爭見君。殷勤越談說。記盡古
風文。一作風

寄盧虔使君

霜露再相換。遊人猶未歸。歲新月改色。客久線
斷衣。有鶴冰在翅。竟久力難飛。千家舊素沼。昨
日生綠輝。春色若不可一作可借。為君步芳菲。

寄崔純亮

百川有餘水。大海無滿波。器量各相懸。賢愚不
同科。羣辯有姿語。眾歡無一作有行歌。唯餘洛陽子。
鬱鬱恨常多。時讀過秦篇。為君涕滂沱。

宗本古
字關一
作但存
凡勿關
一字

風一作

汴州離亂後憶韓愈李翱

會合一時哭。別離三斷腸。殘花不待風。春盡各
飛揚。歡去收不得。悲來難自防。孤門清館夜。獨
卧明月牀。忠直血白刃。道路聲蒼黃。食恩三千
士。一旦為豺狼。海島士皆直。夷門士非良。人心
既不類。天道亦反常。自殺與彼一作被殺。未知何者
減。

寄張籍

未見天子面。不如雙盲人。賈生對文帝。終日猶
悲辛。夫子亦如盲。所以空泣麟。有時獨齋心。髡

一有聲
之字

髡夢稱臣。夢中稱臣言。覺後真埃塵。東京有眼
富。不如西京無眼貧。西京無眼猶在耳。隔墻時
聞天子車聲之。麟麟麟。車聲輾冰玉。南郊壇
上禮百神。西明寺後窮瞎張。大祝縱爾有眼誰
爾珍。天子咫尺不得見。不如閉眼且養真。

寄義興小女子

江南莊宅淺。所固唯疎籬。小女未解行。酒第一作病叔
老更癡。家中多吳語。教爾遙可知。山恠夜動門。
水妖時弄池。所憂癡酒腸。不解委曲辭。漁妾性
崛強。耕童手皴瘡。想茲為襁褓。如鳥拾柴枝。我

賜宋作

詠元魯山。曾臆流甘滋。終當學自乳。起坐常相隨。

憶江南弟

白首眼垂血。望爾唯夢中。筋力強起時。魂魄猶在東。眼光寄明星。起來東望空。望空不見人。江海波無窮。衰老無氣力。呼叫不成風。孑然憶憶言。落地何由通。常師共被教。竟作生離翁。生離不可訴。上天亦曾聰。未忍對松栢。自鞭殘朽躬。自鞭亦何益。知拒教非所崇。努力拄杖來。餘活與爾何。不然死後恥。遺死亦有終。

何字宗本闕

餘活

宿空姪院寄澹公

夜坐冷竹聲。二三高人語。燈窓看律鈔。小師別為侶。雪簷晴滴滴。茗椀華舉舉。舉聲音多風。颼聲韻聞江。楚官街不相隔。詩思空愁予。明日策杖歸。去住兩延佇。

寄陝府鄧一作寶給事

陝城臨大道。館宇屹幾鮮。候謁隨芳一作方語。鏗詞芬蜀牋。從來鏡目下。見盡道心前。自謂古詩量。異一作異將新學偏。戇人年六十。每月請三千。不敢等閑用。願為長壽錢。非關亦潔爾。將以救羸然。

陶淵

孤省癡皎皎。默吟寫綿綿。病書憑晝日。驛信寄
宵鞭。疾訴將何諭。肆鱗今倒懸。塵鯉見枯浪。土
蟻思乾泉。感感無緒蕩。愁愁作邊貞。元文祭
酒即陽公比謹學韋玄。滿座無風雜。當朝雅獨全。見
知囑徐孺即徐端公賞句類陶淵。一顧生鴻拜。再言將
鶴翩。宣陽隘車馬。君子湊駢闐。曾是此同睽。至
今應賜憐。磨墨零落淚。措字貢仁賢。

送諫議十六叔至孝義渡後奉寄

曉渡明鏡中。霞衣相飄颻。浪鳧驚亦雙。蓬客將
誰僚。別飲孤易醒。離憂壯難銷。文清雖無敵。儒
貴不敢驕。江吏捧紫泥。海旗翦紅蕉。分明太中
禮。跨躡毘陵橋。伊洛去未迴。遐矚空寂寥。

至孝義渡寄鄭軍事唐二十五

咫尺不得見。心中空嗟嗟。官街泥水深。下脚道
路斜。嵩少玉峻峻。伊雒碧華華。岸亭當四迥。詩
老獨一家。洧一作洧叟何所如。鄭食唯有些。何當來
說事。為君開流霞。

酬荅

荅友人

白日照清水。淺深無隱姿。君子業高文。懷抱多

宗本作不可倒一返

宗本作語

正思砥行碧山石。結交青松枝。碧山無轉易。青
松難傾移。落落出俗韻。琅琅大雅詞。自非隨氏
掌。明月安能持。千里不可倒。一返無近期。一作一別
如何非意中。良覲忽在茲。道語必踈淡。儒風易
凌遲。願存堅貞節。勿為霜霰欺。

酬友人見寄新文

為客棲未定。況當玄月中。繁雲翳碧霄。落雪和
清風。郊陌絕行人。原隰多飛蓬。耕牛返村巷。野
鳥依房櫳。我無飢凍憂。身託蓮花宮。安閑賴禪
伯。復得踈塵蒙。覽君郢曲文。詞彩何冲融。謳吟

不能已。頓覺形神空。

荅韓愈李觀別因獻張徐州

富別愁在顏。貧別愁銷骨。懶磨舊銅鑑。畏見新

髮。自古樹春無花。子規啼有血。離絃不堪聽。一

聽四五絕世途。非一險。俗慮有干結。有客步大

方。驅車獨迷轍。故人韓與李。逸翰雙皎潔。哀我

摧折歸。贈詞縱橫設。徐方國東樞。元戎天下傑。

彌生一作衡投刺遊。王粲吟詩謁。高情無遺照。朗一作明

抱開曉月。有土一作在七不埋冤。有讎皆為雪。願為直

草木。永向君地列。願為古琴瑟。永向君聽一作前

此首用宗本韓集校

千里英
華作十
載發字
從英華
沒作索
存英華
作從

愁銷骨
英華作
病銷骨
四去能作
三四裂

有土韓
集附錄
作在土

發欲識丈夫心。曾將孤劍說。

荅書上人止讒作

烈烈鸞鷲吟。鏗鏗琅玕音。臬摧明月嘯。鶴起清風心。渭水不可渾。涇流徒相侵。俗侶唱桃葉。隱仙一作鳴桂琴。子野真遺却。浮淺藏淵深。琴疑作岑

荅姚怱見寄

日月不同光。晝夜各有宜。賢哲不苟合。出處亦待時。而我獨迷見。意求異士知。如將舞鶴管。誤向驚鳧吹。大雅難具陳。正聲易漂淪。君有丈夫淚。泣人不泣身。行吟楚山下。一作義淚沾衣巾。

荅郭郎中

松柏死不變。千年色青青。志士貧更堅。守道無異營。每彈瀟湘瑟。獨抱風波聲。中有失意吟。知者淚滿纓。何以報知者。永存堅與貞。

荅盧虔故園見寄

訪舊無一人。獨歸清雒春。花開一作哭聲死。水見別容新。亂後故鄉宅。多為行路塵。因悲楚左右。謗玉不知珉。

汝墳蒙從弟楚材見贈時郊將入秦楚
材適楚

朝爲主人。心夕作行客。吟汝水忽淒咽。汝風流
苦音北闕。秦門高南路。一作山楚石深分淚。洒白日
離腸繞青岑。何以寄遠懷。一作我書黃鶴能相尋。

同從叔簡酬盧殷少府

梅尉吟楚聲。竹風爲淒清。深虛冰在性。高潔雲
入情。借水洗閑貌。寄蕉書逸名。羞將片石文。闕
此雙瓊英。

酬李侍御書記秋夕雨中病假見寄

秋風遶衰柳。遠客聞雨聲。重茲阻良夕。孤坐唯
積誠。果枉移疾詠。中含嘉慮明。洗滌煩濁盡。視

聽昭曠。生未覺衾枕倦。久一作文爲章奏嬰達人。不
寶一作保藥所保在閑情。

荅盧仝

楚屈入水死。詩孟踏雪僵。直氣苟有存。死亦何
所妨。日劈高查牙。清稜含冰漿。前古後古冰。與
山氣勢強。閃恠千石形。異狀安可量。有時春鏡
破。百道聲飛揚。潛仙一作山不足言。朗一作期客無隱腸。
爲君傾海宇。日夕多文章。天下豈無緣。此山雪
昂藏。煩君前致詞。哀我老更狂。狂歌不及狂。歌
聲緣鳳皇。鳳皇今何當。來消我孤直。瘡君文真鳳

聲宣隘滿鏗鏘洛友零落盡逮茲悲重傷獨自
奮一作有異骨將騎白一作玉角翔再三勸莫行寒氣有
刀槍仰慙君子多慎勿作芬芳

奉報翰林張舍人見遺之詩

百蟲笑秋律清削月夜聞曉稜視聽微風翦葉
已紛君子鑒大雅老人非俊羣收拾古所棄俛
仰補空文孤韻恥春俗餘響逸零零自然蹈終
南滌暑凌寒氛巖霰不知午澗澌鎮含曛曾是
醒一作古方醉所以多隱淪江調樂之遠溪謠生徒新
衆蘊有餘採寒泉空哀呻南謝竟莫至北宋當

時珍蹟靈各自異酌酒一作聖誰能均昔詠多寫諷
今詞詎無因品松位何高一作翠宮殿一作翠宮沒荒榛苔趾
識宏製沙漚遊崩津忽吟陶淵明此即羲皇人
心放出天地形拘在風塵前賢素行階夙嗜青
山勤達士立明鏡朗言爲近臣將期律萬有傾
倒甄無垠鸞鷲應蟋蟀絲毫意皆申況於三千
章哀叩不爲神

送別上

送從弟郢東歸

爾去東南夜我無西北夢誰言貧別易貧別愁

仲宗奉作神

更重曉色奪明月。征人逐羣動秋風。楚濤高旅榜將誰共。

山中送從叔簡赴舉

石根百尺杉山眼。一片泉倚一作亭之道氣高飲之。詩思鮮於此。逍遙場忽奏別離絃。却笑薜蘿子不同鳴躍年。

送別崔寅亮下第

天地唯一氣。用之自偏頗。憂人成苦吟。達士為高歌。君子識一作誠不淺。桂枝幽更多。歲晏期攀折。時歸且婆娑。素質如削一作玉清詞若傾一作天河。虵

字有別

人英華作心桂枝作枝

龍未化時魚鼈同一波。去矣當自適。故鄉饒薜蘿。字本素質虵龍不有一作山字本作鄉

大梁送柳淳先入關

青山輾為塵。白日無閑人。自古推高車。爭利西入秦。王門與侯門。待富不待貧。空攜一束書。去誰相親。一作空賣一束書獨去將誰親

送無懷道士遊富春山水一作送別吳逸士歸山

造化絕一作見高處。富春獨多觀。山濃翠消灑。一作礫水折珠摧殘。溪鏡不隱髮。樹衣長遇一作樂寒風。猿虛空飛。月狄叫嘯酸。信此神仙路。一作樂豈為時俗安。

英華作潛虵下注集作龍

煮金陰陽火一作芙蓉水。囚怪星宿壇。花發我一作未識。
玉生忽藜藿。蓬萊浮蕩漾。非道相從難。

送温初下第

日落濁水中。夜光誰能分。高懷無近趣。清抱多
遠門。欲識丈夫志。心藏孤岳雲。長安風塵別。咫
尺不見君。

送盧虔端公守復州

師曠聽羣木。自然識孤桐。正聲逢知音。願出大
朴中。知音不韻俗。獨立一作古占一作上。風忽挂。觸邪冠。
逮逐南飛鴻。肅肅太守章。明明華轂熊。商山無

平路。楚水有驚濤。日月千里外。光陰難載同。新
愁徒自積。良會何由通。

送任齊二秀才自洞庭遊宣城任載齊古并序

文章者。賢人之心氣也。心氣樂則文章正。心氣
非則文章不正。當正而不正者。心氣之偽也。賢
與僞。見於文章。一直之詞。衰代多禍。賢無曲詞。
文章之曲直。不由於心氣。心氣之悲樂。亦不由
賢人。由於時故。今宣州多君子。閑暇而寬。文章
之曲直。纖微悉而備舉。洞庭二客。勉而客去之。
鼓其風波之詞。吾知夫樂莫是行也。遂為詩曰。

悲字按下文以意改

此一行句讀未詳

二語太白不能過

洞庭非人境。道路行虛空。二客月中下。一帆天
外風。魚龍波五色。金碧樹千叢。閃怪如可懼。在
誠無不通。扣竒驚浩淼。採異訪穹崇。物表積高
韻。人間訪仙公。宣城文雅地。謝守聲問融。證玉
易為力。辨珉誰不同。從茲阮籍淚。且免泣途窮。

送曉公歸庭山

一作歸
稽亭

庭山一作稽亭何崎嶇。寺路綠翠微。秋霽山盡出。日落

人獨歸。雲生高高步。泉灑田田衣。枯巢無還羽。
新水有爭飛。茲焉不可繼。夢寐空清輝。

送豆盧策歸別墅

木近到
作水

短松鶴不巢。高石雲不始。一作始栖君今一作為瀟湘去。意
與雲鶴齊。力買竒險地。手開清淺溪。身披薜
荔枝。一作薜蘿襟山陟莓苔梯。一卷冰雪文。避俗常自
攜。

送清遠上人歸楚山舊寺

一作國清
上人遊蘇

波中出吳境。霞際登楚岑。水寺一別來。雲蘿三
改陰。詩誇碧雲句。道證青蓮心。應笑泛萍者。一作應憐
萍泛者不知松隱深。

山中送從叔簡

莫以手中瓊。言邀世上名。莫以山中迹。久向人

又將作
君為蕭
灑去

二字似天
華按
宗本在
宗本訪

間行松栢有霜操風泉無俗聲應憐枯朽質驚
此別離情

送蕭鍊師入四明山

作萬松高樓雖使陶貞白
事幻与孟詩不類

閑於獨鶴心大於高松年迥出萬物表高棲四
明巔千尋直裂峯百尺倒瀉泉絳雪為我飯白
雲為我田靜言不語十作語俗靈蹤時步天

秦劉作
萬松高

字作語
下有作

孟東野詩集卷第七

六月二十一日
五月二十七日校

孟東野詩集卷第八

送別下

感別送從叔校書簡再登科東歸

長安車馬道高槐一作柳結浮陰下有名利人一人

宗有一
作柳

千萬心黃鵠多遠勢滄溟無近濶怡怡靜退姿
冷冷思歸吟菱唱忽生聽芸書迴望深清風散
言笑餘花綴衣襟獨恨魚鳥別一飛將一沈

送玄亮師

蘭泉滌我襟杉月棲我心茗啜一作味綠淨花經誦
清柔音何處笑為別淡情愁不侵

樓英華
作凄

送李尊師立

口誦碧簡文。身是青霞君。頭冠兩片月。肩一作披一條雲。松骨輕自飛。鶴心高不羣。

同畫上人送郭一作郭秀才江南尋兄弟

池一作地上春色生眼前。詩彩明手攜片寶月。言是高僧名。溪轉萬曲心。一作心水流千里聲。飛鳴向誰去。江鴻弟與兄。

春日同韋郎中使君送鄒儒立少府扶

侍赴雲陽

離思着百草。絲絲生無窮。側聞畿甸秀。三振詞

作石即
是石即

策雄太守不韻俗。諸生皆變風。郡齋敞西清。楚

瑟驚南鴻。海畔帝一作高城望。雲陽天色中。酒酣正

芳景。詩綴新碧叢。服綵老萊並。侍車江革同。過

隨柳顛顛入。洛花蒙籠高。步詎留足。前程在層

空。獨慙病鶴羽。飛送力難崇。

送從叔校書簡南歸一作東遊

長安離別道。宛在東城隅。寒草根未死。愁人心

已枯。促促水上景。遙遙天際途。生隨昏曉中。皆

被日月驅。北騎一作驥達山岳。南帆指江湖。高蹤一

超越。千里在須臾。

宋作達

越文粹
作忽

送韓愈從軍

送韓即是韓格調

志士感恩起。變衣非變性。親賓改舊觀。僮僕生
新敬。坐作羣書吟。行為孤劍詠。始知出處心。不
失平生正。淒淒天地秋。凜凜軍馬令。驛塵時一
飛。物色極四靜。淨王師既不戰。廟畧在無競。王粲
有所依。元瑜初應命。一章喻檄明。百萬心氣定。
今朝旌鼓前。笑別丈夫盛。

無競維人起下句連

宋作靜

同茅郎中使君送河南裴文學

河南有歸客。江風繞行襟。送君無塵聽。舞鶴清
瑟音。菱蔓綴楚棹。日華正嵩岑。如何謝文學。還

起會雲

一作長吟

送李朝習之

習之勢翩翩。東南去遙遙。贈君雙履足。一為上
臯橋。臯橋路逶迤。碧水清風飄。新秋折藕花。應
對吳語嬌。千巷分涿波。四門生早潮。湖榜輕裊
裏。酒旗高寥寥。小時屐齒痕。有處應未銷。舊憶
如霧星。恍見於夢消。言之燒人心。事去不可招。
獨孤宅前曲。筇篻醉中謠。壯年俱悠悠。逮茲各
焦焦。執手復執手。唯道無枯凋。

送丹霞子阮芳顏上人歸山

結句即執子之手與子偕
老也

於疑

松色不肯秋。玉性不可柔。登山須正路。飲水須
直流。倩鶴附書信。索雲作衣裘。仙村莫道遠。枉
策招交遊。

送從舅端適楚地

歸情似泛空。飄蕩楚波中。羽扇掃輕汗。布帆飾
細風。江花折齒蒼。岸影泊梧桐。元舅唱離別。賤
生愁不窮。

送盧汀侍御歸天德幕

仲宣領騎射。結束皆少年。匹馬黃河岸。射鴈清
霜天。旌旗防日北。道路上雲巔。古雪無銷鑠。新

冰有堆填。清溪徒聳聳。白壁自招賢。豈比重恩
者。閉門方獨全。

送草書獻上人歸廬山

狂僧不為酒。狂筆自通天。將書雲霞片。直至清
明巔。手中飛黑電。象外瀉玄泉。萬物隨指顧。三
光為迴旋。驟書雲霧霽。洗硯山晴鮮。忽怒畫虵
虺。噴然生風煙。江人願停筆。驚浪恐傾船。

和薛先輩送獨孤秀才上都赴嘉會

秦雲攀窈窕。楚桂搴芳馨。五色豈徒爾。萬枝皆
有靈。仙謠天上貴。林詠雪中青。持此一為贈。送

君翔杳冥

近體 寒字廣韻在二十六攝

送崔爽之湖南

江與湖相通。二水洗高空。定知一日帆。使得一作竭千里風。雪唱與誰和。俗情多不通。何當逸翮縱。

一作逸 鶴迹飛起泥沙中。

送超上人歸天台

天台山最高。動躡赤一作仙城霞。何以靜雙目。掃山除妄花。何以潔其性。一作鑒 形影濾泉去泥沙。靈境物皆直。萬松無一斜。月中見心近。雲外將世賒。山獸護方丈。山猿捧袈裟。遺身獨得身。笑我牽名

華

同李益崔放送王鍊師還樓觀兼為羣

公先營山居

十一作千年白雲士。一卷紫芝書。來結崆峒侶。還期縹緲居。霞冠遺彩翠。月一作丹帔上空虛。寄謝泉壽水。清泠閑有餘。近體

張徐州席送岑秀才

振振芳蘭步。昇自君子堂。泠泠松桂吟。生自楚客腸。羈鳥無定棲。驚蓬在他鄉。去茲門館閑。即彼道路長。雨餘山川淨。麥熟草木涼。楚淚滴章

宗本雙

性英華

近宗本

三字從

英華宗

本芝蘭

鳥

句京塵染衣裳。贈君無餘他。久要不可忘。

送黃構擢第後歸江南

澹澹滄海氣。結成黃香才。幼齡思奮飛。弱冠遊
靈臺。一鶚顧喬木。眾禽不敢猜。一騏驎長衢。眾
獸不敢陪。遂得會風雨。感通如雲雷。至矣小宗
伯。確乎心不回。能令幽靜人。聲實喧九垓。却憶
江南道。祖筵花裏開。春風不能別。別罷空徘徊。
十年山上行。山上無遺蹤。一日人間遊。六合人
皆逢。自有意中侶。白寒徒相從。

送道士

送孟寂赴舉

烈士不憂身。為君吟苦辛。男兒久失意。寶劍亦
生塵。浮俗官是貴。君子道所珍。況當^是聖明主。豈
乏證玉臣。濁水無白日。清流鑒蒼旻。賢愚皎然
別。結交當有因。

同溧陽宰送孫秀才

廢瑟難為絃。南風難為歌。幽幽拙疾中。忽忽浮
夢多。清韻始嘯侶。雅言相與和。訟閑每往招。祖
送奈若何。牽苦強為贈。邗邑光峩峩。

溧陽唐興寺觀薔薇花同諸公餞陳明

京塵染
英華作
荆塵備
它英華
作地

忽忽字
本忽

苦疑作
課

府

忽驚紅琉璃。千艷萬艷開。佛火不燒物。淨香空
徘徊。花下印文字。林間詠觴杯。羣官餞宰官。此
地車馬來。清新為寶

送柳淳

青山臨黃河。下有長安道。歲歲一作世上名利人。相逢不
知老。

送殷秀才南遊

詩句臨一作滿離袂。酒花薰別顏。水程千里外。岸泊
幾宵間。風葉亂辭木。雪猿清叫山。南中多一作高古

事詠遍始應還。近體

送青陽上人遊越

秋風吹白髮。微宦自蕭索。江僧何用歎。溪縣饒
寂寞。楚思物皆清。越山勝非薄。時看鏡中月。獨
向衣上落。多謝入冥鴻。笑予在籠鶴。

奉同朝賢送新羅使

淼淼望遠國。一萍秋海中。恩傳日月外。夢在波
濤東。浪興豁曾臆。泛程舟虛空。既茲吟仗信。亦
以難私躬。實怪賞不足。異鮮悅多叢。安危所繫
重。征役誰能窮。彼俗媚文史。聖朝富才雄。送行

從英華
宗本臨

宗本臨
下任不

數百首各以鏗奇工。冗隸竊抽韻。孤屬思將同。
留弟郢不得送之江南

剛有下水船。白日留不得。老人獨自歸。苦淚滿
眼黑。

送陸暢歸湖州因憑題一作故人皎然塔

陸羽墳

渺渺雲寺前。白蘋多清風。昔遊詩會滿。今遊詩
會空。孤詠玉淒惻。遠思景蒙籠。杼山塼塔禪。竟
陵擴一作宵翁。饒彼草木聲。髣髴聞餘聰。因君寄
數句。遍為書其叢。追吟當時說。來者實不窮。江

近刻作擴

高靜鄉

詞難再得京塵徒滿躬。送君溪鴛鴦。彩色雙飛
東。東多高靜鄉。芳宅冬亦崇。手自擷甘旨。供養
歡。冲融待我遂前心。收拾使有終。不然洛岸亭
歸死為大同。

送淡公十二首

竅變化章法如此乃有起伏斷續也

燕本冰雪骨。一作越淡蓮花風。五言雙寶刀。聯響
高飛鴻。翰苑錢舍人。詩韻鏗雷公。識本未識淡。
仰詠嗟無窮。清恨生物表。朗玉傾夢中。常於冷
竹坐。相語道意冲。嵩洛興不薄。稽江事難同。明
年若不來。我作黃蒿翁。何以兀其心。為君學虛

字無一作

空。

坐愛青草上。意含滄海濱。渺渺獨見水。悠悠不問人。鏡浪洗手綠。剡花入心春。雖然防外觸。無奈饒衣新。行當譯文字。慰此吟殷勤。

銅斗飲江酒。手拍銅斗歌。儂是拍浪兒。飲則拜浪婆。脚踏小船頭。獨速舞短蓑。笑伊漁陽操。空恃文章多。閑倚青竹竿。白日奈我何。

短蓑不怕雨。白鷺相爭飛。短楫畫菰蒲。鬪作豪橫歸。笑伊水健兒。浪戰求光輝。不如竹枝弓。射鴨無是非。

宋刻饒
刻錄饒
水字從
蘇詩注
校施注
仍作酒
字奪飲
江個
第作沙

射鴨復射鴨。鴨驚菰蒲頭。鴛鴦亦零落。彩色難相求。儂且清浪兒。每踏清浪遊。笑伊鄉貢郎。踏

清齋
中作拍

土稱風流。如何卮角翁。至死不裹頭。

師得天文章。所以相知懷。數年伊雒同。一旦江湖乖。江湖有故莊。小女啼嗒嗒。我憂末相識。乳養難和諧。幸以片佛衣。誘之令看齋。齋中百福言。催促西歸來。

看齋

伊洛氣味薄。江湖文章多。坐緣江湖岸。意識

一作織

鮮明波。銅斗短蓑行。新章其奈何。茲焉激切句。非是等閑歌。製一作之附驛迴。勿使餘風訛。都城

第一寺昭成屹嵯峨為師書廣壁仰詠時經過
徘徊相思心老淚雙滂沱

江南邑中寺一作寺 邑古平地生勝山開元吳語僧律

韻高且閑妙樂溪岸平桂榜復往一作往復還樹石相

關生紅綠各異顏風味我遙憶新奇師獨攀

報恩兼報德寺與山爭鮮一作先橙橘金蓋檻竹蕉

綠凝禪經童音韻細風磬清冷翩離腸繞師足

舊憶隨路延不知幾千尺至死方綿綿

鄉在越鏡中分明見歸心鏡芳步步綠鏡水日

日深異刹碧天上古香清桂岑朗約徒在昔章

句忽盈今幸因西飛葉書作東風吟落我病枕
上慰此浮恨侵

牽師袈裟別師斷袈裟歸問師何苦去感吃言

語稀意恐被詩餓欲住將底依盧殷劉言史餓

死君已噫不忍見別君哭君他是非

詩人苦為詩不如脫空飛一生空噯氣非諫復

非譏脫枯掛寒枝棄如一唾微一步一步乞一作示

半片半片衣倚詩為活計從古無多肥詩飢老

不怨勞師淚霏霏

送魏端公入朝

字本無
按秦刻
多無

東洛尚淹翫。西京足芳妍。大賓威儀肅。上客冠
劍鮮。豈惟空戀闕。亦以將朝天。局促塵末吏。幽
老病中絃。徒懷青雲價。忽至白髮年。何當補風
教。為荐三百篇。

送盧郎中汀

起結事中則山也。俗情乃若此。蕭灑又目送
其去。可代畫圖。度少處如何得到。

洛水春渡澗。別離心悠悠。一生空吟詩。不覺成
白頭。向事每計較。與山實綢繆。太華天上開。其
下車。轍流縣街無塵土。過客多淹留。坐飲孤驛
酒。行思獨山遊。逸關嵐氣明。照滑空漪浮。玉珂
擺新歡。聲與鸞鳳儔。朝謁大家事。唯余去無由。

閑字不但与悠呼應。直自
去無由矣。極似太白自叙處
則本色也。

送鄭僕射出節山南

一作酬鄭興
元僕射招

國老出為將。紅旗入青山。再招門下生。結束餘
病孱。自笑駢馬醜。強從驅馳間。顧顧一作傾磨天路。
裊裊鏡下顏。文魄既飛越。宦情唯等閑。美他白
面少。多是清朝班。惜命非所報。慎行誠獨艱。悠
悠去住心。兩說何能刪。

別妻家

芙蓉濕曉露。秋別南浦中。鴛鴦卷一作有新贈。遙戀
東牀空。碧水不息浪。清溪易生風。參差坐一作路成
阻。飄飄去一作恨無窮。孤雲日雖斷。明月心相通。私

情詎銷鑠積芳在春叢

贈姚怱別

美人廢琴瑟不是無巧彈聞君郢中唱始覺知音難驚蓬無還根馳水多分瀾倦客厭出門疲馬思解鞍何以寫此心贈君握中丹

贈竟陵盧使君虔別

赤日千里火火中行子心孰不苦焦灼所行爲貧侵山木豈無涼猛獸蹲清陰歸人憶一作懷平坦別路多嘔嶽賴得竟陵守時聞建安吟贈別折楚芳楚芳一作芳色搖衣襟

與韓愈李翱張籍話別

朱絃奏離別華燈少光輝物色豈知異人心願將違客程殊未已歲華忽然一作已微秋柳故葉下寒露新鴈飛遠遊起重恨送人念先歸夜集類飢鳥晨光失相依馬跡遶川水鴈書還一作妻聞常恐親朋阻獨行知慮非

監察十五叔東齋招李益端公會別

欲知惜別離瀉水還清池此地有君子芳蘭步葳蕤手掇一作織雜英一作彩珮意搖春夜一作夢思莫作遶山雲循環無定期

汴州別韓愈

不飲濁水瀾空滯此汴河坐見遶岸冰一作水盡為
還海波四時不在家弊服斷線多遠客獨顛顛
春英落一作各婆娑汴水饒曲流野桑無直柯但為
君子心歎息一作飲之終匪他

贈別殷山人說易後歸幽墅

夫子說天地若與靈龜言幽幽人不知一一予
所敦秋月吐一作夜涼風韻清源旁通忽已遠神
感寂不喧一悟祛萬結夕懷傾朝煩旅輶一作鞍無
定一作停波別馬嘶去轅殷勤荒草土會有知己論

壽安西渡奉別鄭相公二首

洛河向西道石波橫磷磷清風送君子車遠無
還塵春別亦蕭索况茲冰霜晨零落景易入鬱
抑抱難伸百宵華燈宴一旦星散人去歲絃吐
箭憂來蠶抽綸綿綿無窮事各各馳遠身徘徊
黃縹渺倏忽春霜賓相為物表物永謝區中姻
日嗟來教士仰望無由親

東都清風滅君子西歸朝獨抱歲晏恨泗吟不
成謠貴遊意多味賤別情易消迴雁憶前叫浪
鳧念後漂悠悠孤飛景聳聳銜霜條味趣多滯

字本無
留字

汴水英
華作英
波
終靡他
英華作
將匪他
字本無
它

澀一作懶。朋寡新僚。病深理方。悟悔至心。自燒寂。
靜道何在。憂勤學空。饒乃知減。聞見始遂。情道。
遙文字徒營。織聲華諒疑。驕顧慙耕稼。士朴略。
氣韻調善士有餘食。佳畦冬生苗。養人在養身。
此旨清如韶。願貢高古言。敢望錫類招。

滅字以
意改
宋本滅

孟東野詩集卷第八 乙丑二月二十八日微雨易起按此卷

孟東野詩集卷第九

詠物

宇文秀才齊中海柳詠

玉縷青葦蕤。結為芳樹姿。忽驚明月鈎。鈎出珊
瑚枝。灼灼不死花。蒙蒙長生絲。飲栢一作况一作仙味。
詠蘭一作擬一作凝。古詞霜風清颼颼。與君長相思。

搖柳一作採柳

弱弱本易驚。看看勢難定。因風似醉舞。盡日不
能正。時邀詠花女。笑輟春粧鏡。

曉鶴

曉鶴彈古舌。婆羅門叫音。應吹天上律。不使塵
中尋。虛空夢皆斷。歎唏安能禁。如開孤月口。似
說明星心。既非人間韻。枉作人間禽。不如相將
去。碧落窠巢深。

和薔薇花歌

仙機札札一作織鳳凰。花開七十有二行。天霞落
地攢紅光。風枝嫋嫋時。一颺飛散葩。馥遶空王。
忽驚錦浪洗新色。又似宮娃逞粧飾。終當一使
移花一作根。還比蒲桃天上植。

邀人賞薔薇

蜀色庶可比。楚叢亦應無。醉紅不自力。狂豔如
索扶。麗藥惜未掃。宛枝長更紆。何人是花侯。詩
老強相呼。

和宣州錢判官使院廳前石楠樹

太朴既一作剖。衆材爭萬殊。懿茲南海華。來與北
壤俱。生長如自惜。雪霜無凋渝。籠籠抱靈秀。簇
簇抽芳膚。寒日吐再艷。頰子流細珠。鴛鴦花數
重。翡翠葉四鋪。雨洗新粧色。一枝如一姝。聳異
敷庭際。傾妍來坐隅。散彩飾机案。餘輝盈盤盂。
高意一作因一作造化。常情逐榮枯。主公方寸中。陶

植在須臾。養此奉君子。賞觀日為娛。始覺石楠
詠價傾賦。兩一作西都崇頌。庶可比。桂詞難以踰。因
謝丘墟木。空採一作採落泥塗。時來聞佳姿。道去卧
枯株。爭芳無由緣。受氣如鬱紆。柚肝在郢匠。歎
息何踟躕。

酬鄭毗躑躅詠

不似人手致。豈關地勢偏。孤光裊餘翠。獨影舞
多妍。迸火燒閑地。紅星墮青天。忽驚物表物。嘉
客為留連。

品松

追悲謝靈運。不得殊常封。縱然孔與顏。亦莫及
此松。此松天格高。聳異千萬重。孤擎巨靈手。擘
裂少室峯。擘裂風雨獰。孤擎指爪臚。道入難抱
心。學生易墮蹤。時時數點仙。娟娟一線龍。霏微
嵐浪際。遊戲顛興濃。品松徒高高。雌一作鴻語鳴詎
唯賞。異尚可貴賞。潛誰能容名。華非典實。翦棄
徒纖茸。刻削大雅文。所以不敢慵。

荅李貞外小榼味

一拳芙蓉水。傾玉何泠泠。仙清風已高。詩味今
更馨。試啜月入骨。再銜愁盡醒。荷君道古誠。使

我善飛一作振翎

井上枸杞架

深鎖銀泉甃。高葉架雲空。不與凡水並。自將仙蓋同。影踈千點月。聲細萬條風。迸子鄰溝外。飄香客位中。花杯承此飲。椿歲小無窮。

蜘蛛諷一作詠

萬類皆有性。各各稟天和。蠶身與汝身。汝身何太訛。蠶身不為已。汝身不為他。蠶絲為衣裳。汝絲為網羅。濟物幾無功。害物日已多。百蟲雖切恨。其將奈爾何。

與萬草作為汝身不為心身作切作

水字方與結句呼應字不木

天下憾

蚊

五月中夜息。飢蚊尚營營。但將膏血求。豈覺性命輕。顧已寧自愧。飲人以偷生。願為天下憾。一使夜景清。

燭蛾

燈前雙舞蛾。狀生何太切。想爾飛來心。惡明不惡滅。天若百尺高。應去掩明月。

和錢侍郎甘露

玄天何以言。瑞露青松繁。忽見垂書跡。還驚涌醴源。春枝晨嫋嫋。香味曉翻翻。子禮忽來獻。臣

醴字以意為字不禮

心固易敷。清風惜不動。薄霧肯蒙昏。嘉晝色更
晶。仁慈久乃存。一方難獨占。天下恐爭論。側聽
飛中使。重榮華。一作萃德門從公樂。萬壽壽餘慶。及兒
孫。

一雜題

和今狐侍郎郭郎中題項羽廟

碧草凌古廟。清塵鎖秋窻。當時獨宰割。猛志誰
能降。鼓氣雷作敵。劍光電為雙。新悲徒自起。舊
恨一作懷舊空浮江。

讀張碧集

天寶太白歿。六義已消歇。大哉國風本。喪而王
澤竭。先生今復生。斯文信難缺。下筆證興亡。陳
詞備風骨。高秋歎奏琴。澄潭一輪月。誰作採詩
官。忍之不揮發。

聽琴

颺颺微雨收。飏飏橡一作桐葉鳴。月沈亂峯西。寥落
三四星。前溪忽調琴。隔林寒琤琤。聞彈正弄聲。
不敢枕上聽。迴燭整頭簪。漱泉立中庭。定步履
一作展齒深貌。禪目冥冥。微風吹衣襟。亦認宮徵聲。
學道三十年。未免憂死生。聞彈一夜中。會盡天

地情

聞夜啼贈劉正元

寄泣須寄黃河泉。此中怨聲流徹一作方到天。愁人獨有夜燈見。一紙鄉書淚滴穿。

喜雨

朝見一片雲。暮成千里雨。淒清濕高枝。散漫沾荒土。

終南山下作

見此原野秀。始知造化偏。山村不假陰。流水自一作雨。田家家梯碧峯。門門鎖青煙。因思駝骨人。

化作飛桂仙

觀種樹

種樹皆待春。春至難久留。君看朝夕花。誰免別離愁。心意已零落。種之仍未休。胡為好奇者。無事自買憂。

春後雨

昨夜一霎雨。天意蘇羣物。何物最先知。虛庭草爭出。

荅友人贈炭

青山白屋有仁人。贈炭價重雙烏銀。驅却坐上

千重寒燒出爐中。一片春吹霞弄日光不定暖。
得曲身成直身。

爛柯石

仙界一日內人間千歲。一作載窮雙碁未徧局萬物

皆為空樵客返歸路斧柯爛從風唯餘石橋在

猶自凌丹虹。一作猶有靈丹紅

尋言上人

萬里莓苔地不見驅馳蹤唯開文字窓時寫日

月容竹韻漫蕭屑草花徒織一作蒙茸披霜入衆木

獨自識青松

噴玉布

去塵咫尺步山笑康樂巖天開紫石屏泉縷一作鏤

明月簾仙凝刻削跡靈綻雲霞織悅聞若有待

瞥見終無厭俗玩詎能近道嬉方可淹踏着不

死機欲歸多浮嫌古醉今忽醒今求古仍潛古

今相共失語默兩難恬贈君噴玉布一濯高漸

漸

姑蔑城

勁越既成土強吳亦為墟皇風一已被茲邑信

平居撫俗觀舊跡行春布新書興亡意何在綿

徧類作變

宗本有側注字

歎空躊躇

崢嶸嶺

疏鑿順高下。結構橫煙霞。坐嘯郡齋肅。玩竒石
路斜。古樹浮綠氣。高門結朱華。始見崢嶸狀。仰
止逾可嘉。

尋裴處士

涉水更登陸。所尚皆清真。寒草不藏徑。靈峯知
有人。悠哉鍊金客。獨與煙霞親。曾是欲輕舉。誰
言空隱淪。遠心寄白月。一作日華髮迴青春。對此欽
勝事。胡為勞我身。

髮宗本
張法

子慶詩

王家事已竒。孟氏慶無涯。獻子還生子。義之又
有之。鳳兮且莫歎。鯉也會聞詩。小小豫章甲。纖
纖玉樹姿。人來唯仰乳。母抱未知慈。我欲揀其
養。放麝者是誰。後中慶字意尤深。亦易。一蒙。此詩之麟趾也。若
而不教。又無善教。則若教。予古之戚方。隨世。後。家。慶。之。有。

憇淮上觀公法堂

動覺日月短。靜知時歲長。自悲道路人。暫宿空
閑堂。孤燭讓清晝。紗巾斂輝光。高僧積素行事
外。無剛強。我有巖下桂。願為爐中香。不惜青翠
姿。為君一作師揚芬芳。淮水色不污。汴流徒渾黃。且

將琉璃意淨綴一作芙蓉章一作明日還獨行羈愁
來舊腸

江邑春霖奉贈陳侍御

江上花木凍雨中零落春應由放忠直在此成
漂淪嘉艷皆損汚好音難殷勤天涯多遠限雪
涕盈芳辰坐哭青草上卧吟幽水濱興言念風
俗得意唯波鱗枕蓆病流濕簷楹苦飛津始知
吳楚水不及京洛塵風浦蕩歸棹泥陂陷征輪
兩途日無遂相贈唯沾巾

溧陽秋霽

晚雨曉猶在蕭寥激前階星星滿衰鬢耿耿入
秋懷舊識半零落前心驟相乖飽泉亦空醉惕
宦肅如齋上客處華池下寮宅枯崖叩高占生
物齟齬難回諧

列仙文

大霞霏晨暉元氣無常形玄轡飛霄外八景乘
高清晰手把玉皇袂攜我晨中生一作自嘉會
金書拆華名賢女密所妍相期洛水軒

右方諸青童君

歛駕空清虛徘徊西華館瓊輪暨晨抄虎騎逐

定遠先生言此非東野
詩宋本妄入也

煙散惠風振丹旌。明燭朗八煥。解襟墉房內。神
鈴鳴璀璨。栖景若林柯。九絃空中彈。遺我積世
憂。釋此千載款。怡眄無極已。終夜復待旦。

清虛真人

駕我八景輿。歟然入玉清。龍羣拂霄上。虎旗攝
朱兵。逍遙三絃際。萬流無暫停。哀此去留會。劫
盡天地傾。當尋無中景。不死亦不生。體彼自然
道。寂觀合大冥。南嶽挺直幹。玉英曜穎精。有任
靡期事。無心自虛靈。嘉會絳河內。相與樂朱英。
金母飛空歌安度明

安度明三字疑屬古仙之
號此則自為金母和空歌也宗
存誤同

丹霞煥上清。八風鼓太和。迴我神霄輦。遂造嶺
玉阿。咄嗟天地外。九圍皆我家。上採白日精。下
飲黃月華。靈觀空無中。鵬路無間邪。顧見魏賢
安。濁氣傷汝和。勤研玄中思。道成更相過。

夏日謁智遠禪師

吾師當幾祖。說法云無空。禪心三界外。宴坐天
地中。院靜鬼神去。身與草木同。因知護王國。滿
鉢盛毒龍。斗藪塵埃衣。謁師見真宗。何必千萬
劫。瞬息去樊籠。盛夏火爲日。一堂十月風。不得
爲弟子。名姓掛儒宮。

訪嵩陽道士不遇

先生五岳遊。文焰藏金鼎。日下鶴過時。人間空落影。常言一粒藥。不墮生死境。何當列禦寇。去問仙人請。

字五

聽藍溪僧為元居士說維摩經

古樹少枝葉。真僧亦相依山。木自曲直道人無是非。手持維摩偈。心向居士歸。空景忽開霽。雪花猶在衣。洗然水溪晝。寒物生光輝。

借車

借車載家具。家具少於車。借者莫彈指。貧窮何

足嗟。百年徒校一作役走萬事。盡隨拈。

喜符郎詩有天縱。韓氏子讀書城南者

念符不由級。屹得文章階。白玉抽一作描一毫。綠珉已難排。偷筆作文章。乞墨潛磨揩。海鯨始生尾。試擺蓬壺渦。幸當禁止之。勿使恣狂懷。自悲無子嗟。喜妬雙喈喈。

憑周況先輩於朝賢乞茶

道意勿乏味。心緒病無惊。蒙茗玉花盡。越甌荷葉空。錦水有鮮色。蜀山饒芳叢。雲根纔翦綠。印縫已霏紅。曾向貴人得。最將詩叟同。幸為乞寄

今猶村山名山縣可也
難得矣

來救此病一作窮劣躬

上昭成閣不得於從姪僧悟空院嘆嗟
欲上干級閣問天三四言未盡數十登心目風
浪翻手手把驚魄脚踏墜魂却流至舊手傍
掣猶欲奔老病但自悲古蠹木萬痕老力安可
誇秋海萍一根孤瘦何所歸晝眼如黃昏常恐
失好步入彼市井門結僧為親情策竹為子孫
此誠徒切切此意空存存一寸地上語高天何
由聞

魏博田興尚書聽婢命不立非夫人詩

君子耽古禮如饒魚吞鈎時聞敬婢言掣心東
北流田尚書與禮相綢繆善詞聞天下一
日一再周

讀經

垂老抱佛脚教妻讀黃經黃名小品一紙千
明星曾讀大般若細感盼響聽當時把齋中方
寸抱萬靈忽復入長安蹴踏日月寧老方却歸
來收拾可丁丁拂拭塵机案開函就孤亭儒書
難借索僧籤饒芳馨驛驛不開手鏗鏗聞異鈴
得善如焚香去惡如脫腥安得顏子耳曾未如

此聽聽之何有言德教貴有形何言中國外有
國如海萍海萍國教異天聲各泠泠安排未定
時心火競熒熒將如庶幾者聲盡形元冥

謝李輜再到

等閑拜日晚夫妻猶相瘡況是賢人冤何必哭
飛揚昨夜夢得劍爲君藏中腸會將當風烹血
染布衣裳勞君又扣門詞句失尋常我不忍出
廳血字濕土墻血字耿不滅我心懼惶惶會有
鏗鏘夫見之目生光生光非等閑君其且安詳

忽不貧喜盧仝書船歸洛

貧孟忽不貧請問孟何如盧仝歸洛船崔嵬但
載書江潮清翻翻淮潮碧徐徐夜信爲朝信朝
信良卷舒江淮君子水相送仁有餘我去官色
衫肩經入君廬喃喃肩經郎言語傾琪琚琪琚
鏗好詞鳥鵲躍庭除書船平安歸喜報鄉里間
我願拾遺柴巢經於空虛下免塵土侵上爲一作與
雲霞居日月更相鎖道義分明儲不願空岩堯
但願實工夫實空二理微分別一作明相起予經書
荒蕪多爲君勉勉鋤勉不敢專傳之方在諸

孟東野詩集卷第九

乙丑二月晦日

孟東野詩集卷第十

哀傷

弔國殤

徒言人最靈。白骨亂縱橫。如何當春死。不及羣
草生。堯舜宰乾坤。器農不器兵。秦漢盜山岳。鑄
殺不鑄耕。天地莫生金。生金人競爭。

弔比干墓

殷辛帝天下。馱爲天下尊。乾綱旣一斷。賢愚無
二門。佞是福身本。忠是喪已源。餓虎不食子。人
無骨肉恩。日影不入地。下埋冤死魂。有骨不爲

宋作白

土應作直木根。今來過此鄉。下馬吊此墳。靜念君臣間。有道誰敢論。

弔元魯山十首

搏鷲有餘飽。魯山長飢空。豪人飫鮮肥。魯山飯蒿蓬。食名皆霸官。食力皆堯農。君子恥新態。魯山與古終。天璞本平一。人巧生異同。魯山不自剖。全璞竟沒躬。一作窮自剖多是非。流濫將何歸。奔競一作損立詭節。凌侮爭怪輝。五常坐銷鑠。萬類隨衰微。以茲見魯山。道蹇無所依。

捐軀疑

君子不自蹇。魯山蹇有因。苟含天地秀。皆是天地身。天地蹇既甚。魯山道莫伸。天地氣不足。魯山食更貧。始知補元化。竟須得賢人。

賢人多自靈。道理與俗乖。細功不敢言。遠韻方始諧。萬物飽為飽。萬人懷為懷。一聲苟失所。眾憾來相排。所以元魯山。飢衰難與偕。

遠階無近級。造次不可昇。賢人絜腸胃。寒日空澄凝。血誓竟訛繆。膏明易煎蒸。以之驅魯山。跡去莫乘。

言從魯山宦。盡化堯時心。豺虎恥狂噬。齒牙閉

霜金一作針競來闢田土。相與耕畝岑。當宵無關鎖。

竟歲饒歌吟。善教復一作履天術。美詞非俗箴。精微

自然事。視聽不可尋。因書魯山績。庶合簫韶音。

簫韶太平樂。魯山不虛作。千古若有知。百年幸

如昨。誰能嗣教化。以此洗浮薄。君臣貴深遇。天

地有靈索。力運既艱難。德符方合莫。名位苟虛

曠。聲明自銷鑠。禮法雖相救。貞濃易糟粕。哀哀

元魯山。畢竟誰能度。

當今富教化。一作聖朝 禮嘉一上元后得賢相。冰心鏡衰古。霜

議清遐障。幽埋盡光洗滯旅。免流浪。唯餘魯山

名。未獲旌廉讓。二三貞苦士。刷視聳危望。髮秋

青山夜。目斷丹闕亮。誘類幸從茲。嘉招固非妄。

小生奏狂狷。感惕增萬狀。

黃犢不知孝。魯山自駕車。非賢不可妻。魯山竟

無家。供養恥他力。言詞豈纖瑕。將謠魯山德。蹟

海誰能涯。

遺嬰盡雛乳。何況肉骨枝。心腸結苦誠。曾臆垂

甘。滋事已出古。表誰言獨今。竒賢人。母萬物愷

悌。流前詩。

哭李觀

志士不得老。多為直氣傷。阮公終日哭。壽命固難長。顏子既殂謝。孔門無輝光。文星落竒曜。寶劍摧脩世。常作金應石。忽為宮別商。為爾弔琴瑟。斷絃難再張。偏轂不可轉。隻翼不可翔。清塵無吹噓。委地難飛揚。此義古所重。此風今已亡。自聞喪元賓。一日八九狂。沈痛此丈夫。驚呼彼穹蒼。我有出俗韻。勞君疾惡腸。知音既已矣。微言誰能彰。旅葬無高墳。栽一作孤松不成行。哀歌動寒日。贈淚沾晨霜。神理本窅窅。一作冥冥今來更茫茫。何以蕩悲懷。萬事付一觴。

鷓鴣聲

李少府廳吊李元賓遺字

元賓題少府廳云宿從叔宅有感有其義

而無其辭

零落三四字。忽成千萬年。那知冥寞客。不有補亡篇。斜月弔空壁。旅人難獨眠。一生能幾時。百慮來相煎。戚戚故交淚。幽幽長夜泉。已矣難重言。一言一潸然。

悼吳興楊衡評事

君生君生一作君雪水清。君歿雪水渾。空令骨肉情。哭得白日昏。大夜不復曉。古松長閉門。琴絃綠水絕。詩句青山存。昔為芳春顏。今為荒草根。獨問冥

冥理先儒未曾言

哀孟雲卿嵩陽荒居

戚戚抱幽獨。晏晏沈荒居。不聞新歡笑。但覩舊詩書。藝蘄意彌苦。耕山食無餘。定交昔何在。至戚今或踈。薄俗易銷歇。淳風難久舒。秋蕪上空堂。寒槿落枯渠。薙草恐傷蕙。攝衣自理鋤。殘芳亦可餌。遺秀誰忍除。徘徊未能去。爲爾涕連如。

哭盧貞國

一別難與期。存亡易寒燠。下馬入君門。聲悲不成哭。自能富才藝。當與深榮祿。皇天負我賢。遺

恨至兩目。平生嘆無子。家事親相囑。

傷舊遊

去春會處今春歸。花數不減人。數稀朝笑片時暮。成泣東風一向還。西輝

弔房十五次卿少府

日高方得起。獨賞此些些。春可惜。宛轉鶯好音。與他人。昔年此氣味。還走曲江濱。逢着韓退之。結交方殷勤。蜀客骨目高。聰辯劔戟新。如何昨日歡。今日見無因。英奇一謝世。視聽一爲塵。誰言老淚短。淚短沾衣巾。

一作足沾巾

逢江南故畫上人會中鄭方回

上人往年手札五十篇相

贈云以為他日之念

相逢失意中。萬感因語至。追思東林日。掩抑北
邙淚。筐筭有遺文。江山舊清氣。塵生逍遙注。一作篇
墨故飛動字。荒毀碧澗居。虛無青松位。珠沈百
泉暗。月死羣象閔。永謝平生言。知音豈容易。

哭秘書包大監

哲人卧病日。賤子泣玉年。常恐寶鏡破。明月難
再圓。文字未改素。聲容忽歸玄。始知知音稀。干
載一絕絃。舊館有遺琴。清風那復傳。

復英華作耳

悼幼子

一閉黃蒿門。不聞白日事。生氣散成風。枯骸形化
為地。負我十年恩。欠爾千行淚。灑之北原上。不
待秋風至。

悼亡

山頭明月夜。增輝增輝不照重泉下。泉下雙龍
無再期。金蠶玉燕空銷化。朝雲暮雨成古墟。蕭
蕭野竹風吹亞。

弔李元賓墳

曉上荒涼原。弔彼冥冥魂。眼咽此時淚。耳悽在

也作樓亦得可謂言猶在耳

日言寂寂千萬年。墳鎖孤松根。

覽崔爽遺文因紆幽懷

崔君歿于南方

墮淚數首文。悲結千里墳。蒼旻且留我。白日空遺君。仙鶴未巢月。衰鳳先墜雲。清風獨起時。舊語如再聞。瑶草寵葳蕤。桂花休氛氲。萬物與我心。相感吳江濱。

峽哀十首

昔多相與笑。今誰相與哀。峽哀哭幽魂。一作夢嗷嗷風吹來。墮魄抱空月。出沒難自裁。壑粉一閃間。春濤百丈一作尺雷。峽水聲不平。碧沲牽清洄。沙瑤

化為能別入淵矣故魂無可復也

箭箭一作前箭急波齒斷斷。開呀彼無底。吮待此不測。災谷號相噴。激石怒爭旋。迴古醉有復。鄉今縲多為能。字孤徒髣髴。銜雪猶驚猜。薄俗少直腸。交結須橫財。黃金買相弔。幽泣無餘漑。我有古心意。為君空摧頽。

上天下天水。出地入地舟。石劒相劈斫。石波怒蛟虬。花木疊宿春。風飈凝古秋。幽怪窟穴語。飛聞聆響流。沈哀日已深。銜訴將何求。

三峽一線天。三峽萬繩泉。上仄碎日月。下掣狂漪連。破魄一點凝。幽千百年峽。暉不停。午峽

紆字作

險多饑。涎樹根鎖枯棺。孤骨裹裹懸樹枝。哭霜
棲哀韻杳杳。鮮逐客零落腸。到此湯火煎性命。
如紡績。道路隨索緣。奠淚弔一作波靈。波靈將閃
然。

峽亂鳴清磬。

一作峽虬
鳴清聲

產石為鮮鱗。噴為腥雨涎。吹

作黑井身。怪光閃眾異。餓劍唯待人。老腸未曾

飽。古齒蘄崑噍。嚼齒三峽泉。三峽聲斷斷。

峽螭一作
蛟

老解語。百丈潭底聞。毒波為計校。飲血

養子孫。既非臯陶吏。空食沈獄一作魂。潛怪何幽

幽。魄說徒云云。峽聽哀哭泉。峽弔鰥寡猿。峽聲

士字疑子之誤于諸齊人語謂實也
也見公羊傳注

非人聲。劍水相劈翻。斯誰士諸謝。奏此沈苦言。

讒人峽虬心。渴罪呀然濤。所食無直腸。所語饒

鼻音。石齒嚼百泉。石風號千琴。幽哀莫能遠。分

雪何由尋。月魄一作
魂高卓卓。峽窟一作
窟清沈沈。銜訴

何時明。抱痛已不禁。犀飛空波濤。裂石干嶽岑。

峽稜刺日月。日月多摧輝。物皆斜仄生。鳥亦斜

仄飛。潛石齒相鎖。沈魂招莫歸。恍惚清泉甲。斑

爛碧石衣。餓嚙潺湲號。涎似泓。法肥峽春不可

遊。腥草生微微。峽景滑易墮。峽花怪非春。紅光根潛延。碧雨飛

沃津巴谷蛟螭心巴鄉魍魎親噉生不問賢至
死獨養身腥語信者誰拗歌歡非真仄田無異
稼毒水多獐鱗異類不可友峽哀哀難伸

峽水劒戟獐峽舟霹靂翔因依虺蜴手起坐風
雨忙峽旅多竄官峽岷多非良滑心不可求滑
習積已長漠漠涎霧起斷斷涎水光渴賢如之
何忽在水一作中央

梟鴟作人語蛟虬吸山波能於白日間諂欲暗
風和駭智蹶衆命蘊腥布深蘿齒泉無底貧鋸
涎在處多仄樹鳥不巢踔狻猿相過峽哀不可

聽峽怨其奈何

杏殤九首并序

杏殤花乳也霜翦而落因悲昔嬰故作是詩
凍手莫弄珠弄珠珠易飛驚霜莫翦春翦春無
光輝零落小花乳爛斑昔嬰衣拾之不盈把日
暮空悲歸

地上空拾星枝上不見花哀哀孤老人戚戚無
子家豈若沒水鳧不如拾巢雅浪擊破便飛風
雛裊相誇芳嬰不復生向物空悲嗟

應是一線淚入此春木心枝枝不成花片片落

剪金春壽何可長。霜衰亦已深。常時洗芳泉。此日洗淚襟。

兒生月不明。兒死月始光。兒月兩相奪。兒命果不長。如何此英英。亦為弔蒼蒼。甘為墮地塵。不為末世一作世木芳。

踏地恐土痛。損彼芳樹根。此誠天不知。翦棄我子孫。垂枝有子落。芳命無一存。誰謂生人家。春色不入門。

冽冽霜殺春。枝枝疑纖刀。木心既零落。山竅空呼號。斑斑落地英。點點如明膏。始知天地間。萬

物皆不牢。

哭此不成春。淚痕三四斑。失芳蝶既狂。失子老亦孱。且一作豈無生生力。自有死死顏。靈鳳不銜訴。誰為扣天關。

此兒自見災。花發多不諧。窮老收碎心。永夜抱破懷。聲死更何言。意死不必喑。病叟無子孫。獨立猶束柴。

霜似敗紅芳。翦啄十數雙。參差呻細風。險噶沸

戲一作疑淺江。泣凝一作疑不可消。一作諷恨壯難自降。空遺舊

日影。怨彼一作此小書窻。

弔江南老家人春梅 敦厚

念爾筋力盡。違我衣食恩。奈何麤獷兒。生鞭見死痕。舊使常以禮。新怨一作冤將誰吞。胡為乎泥中。

一作上天消歇教義源 後句是若得也

哭李舟 舟一作舟 負外并寄杜中丞

生死方知交態存。忍將齟齬報幽魂。十年同在平原客。更遣何人哭寢門。

哭劉言史

詩人業孤峭。餓死良已多。相悲與相笑。累累其奈何。精異劉言史。詩腸傾珠河。取次抱置之。一作為拋

精異孤峭善自為名

擲飛過東溟波。可惜大國謠。颺為四夷歌。常於眾中會顏色。兩切磋。今日果成死。葬襄一作喪之洛河。洛岸遠相弔。灑淚雙滂沱。

弔盧殷十首

詩人多清峭。餓死抱空山。白雲既無主。飛出意等閑。久病牀席尸。護喪童僕孱。故書窮鼠噬。狼籍一室間。君歸新鬼鄉。我面古玉一作土顏。羞見入

地時。無人叫追攀。百泉空相弔。日久一作夕哀潺湲。

唧唧復唧唧。千古一月色。新新復新新。千古一花春。邛風噫孟郊。嵩秋葬盧殷。北邙前後客。相

弔爲埃塵北邙棘針草。淚根生苦辛。煙火不自
煖。筋力早已貧。幽薦一杯泣。瀉之清洛濱。漆爲
斷腸聲。愁殺長別人。

棘針風相號。破碎諸苦哀。苦哀不可聞。掩耳亦
入來。哭絃多煎聲。恨涕有餘摧。噫貧氣已焚。噫
死心更灰。夢世浮閃閃。淚波深洄洄。薤歌一以
去。蒿閉不復開。

登封草木深。登封道路微。日月不與光。莓苔空
生衣。可憐無子翁。虬蟬綠病肌。寧卧歲時長。連
連但幽噫。幽噫虎豹聞。此外相訪稀。至親唯有

問韓集
注中作
間

詩抱心死有歸。河南韓先生後君作因依磨一
片嵌巖書千古光輝。

賢人無計校。生苦死徒誇。他名潤子孫。君名潤
泥沙。可惜千首文。閃如一朝花。零落難苦言。一作
久留起坐空驚嗟。

耳聞陋巷生。眼見魯山君。餓死始有名。餓名高
氛氲。懃叟老壯氣。感之爲憂雲。所憂唯一泣。古
今相紛紛。平生與君說。逮此俱云云。

初識漆鬢髮。爭爲新文章。夜踏明月橋。店飲吾
曹牀。醉啜二杯釀。名郁一縣香。寺中摘梅花。園

承上千古夫。輝正言著反。而嘆
悼而之矣。

憂雲

裏。翦。浮。芳。高。嗜。綠。蔬。一作羹。意。輕。肥。膩。羊。吟。哦。無。
滓。韻。言。語。多。古。腸。白。首。忽。然。至。盛。年。如。偷。將。清
濁。俱。莫。追。何。須。罵。滄。浪。

前。賢。多。哭。酒。哭。酒。免。哭。心。後。賢。試。銜。之。哀。至。無
不。深。少。年。哭。酒。時。白。髮。亦。以。侵。老。年。哭。酒。時。聲
韻。隨。生。沈。寄。言。哭。酒。賓。勿。作。登。封。音。登。封。徒。放
聲。天。地。竟。難。尋。

同。人。少。相。哭。異。類。多。相。號。始。知。禽。獸。癡。却。至。天
然。高。非。子。病。無。淚。非。父。念。莫。勞。如。何。裁。親。踈。用
禮。如。用。刀。孤。喪。鮮。匍。匐。閉。哀。抱。鬱。陶。煩。他。手。中

葬。誠。信。焉。能。褒。嗟。嗟。無。子。翁。死。棄。如。脫。毛。

聖。人。哭。賢。人。骨。化。氣。為。星。文。章。飛。上。天。列。宿。增
晶。熒。前。古。文。可。數。今。人。文。亦。靈。高。名。稱。謫。仙。昇
降。曾。莫。停。有。文。死。更。香。無。文。生。亦。腥。為。君。鏗。好
辭。永。傳。作。謚。寧。

聯句

有所思聯句

相。思。繞。我。心。日。夕。千。萬。重。年。光。坐。晚。晚。春。淚。銷
顏。容。郊臺。鏡。晦。舊。暉。庭。草。滋。新。茸。望。夫。山。上。石
別。劍。水。一作池中。龍。愈

遣興聯句

我心隨月光。寫君庭中央。郊月光有時晦。我心安所忘。愈常恐金石契。斷為相思腸。郊平生無百歲。岐路有四方。愈四方各異俗。適意非所將。郊驚蹄顧挫抹。逸翮遺稻梁。愈時危抱獨沈。道泰懷同翔。郊獨居久寂默。相顧聊慨慷。慨慷丈夫志。可以耀鋒鋌。郊蓬甯知卷舒。孔顏識行藏。愈朗鑒諒不遠。佩蘭永芬芳。郊苟無夫子聽。誰使知音揚。愈

贈劍客李園聯句

天地有靈術。得之者唯君。郊築爐地區外。積火燒氛氳。愈照海鑠幽怪。滿空歎異氛。郊山磨電奕奕。水淬龍蜃蜃。愈太一裝以寶。列仙篆其文。郊可用懾百神。豈唯壯三軍。愈有時幽匣吟。忽似深潭聞。郊風胡久已死。此劍將誰分。愈行當獻天子。然後致殊勳。郊豈如豐城下。空有斗間雲。愈

讚

讚維摩詰

貌是古印。言是空音。在酒不飲。在色不淫。非獨

僧禮亦使儒欽感此補亡書謝懸金

書

上常州盧使君書

道德仁義天地之常也將有人主張之乎將無人主張之乎曰賢人君子有其位言之可以周天下而行也無其位則周身言之可也周身言之可周天下言之不可也仲尼當時無其位言之亦不可周天下而行也及至著書載其言則周萬古而行也豈唯周天下而已哉仲尼非獨載其言周萬古而行也前古聖賢得仲尼之道

則其言皆載之周萬古而行閣下道德仁義之言已聞周天下誦之久矣其後著書君子亦當載矣周萬古而行也幸甚幸甚道德仁義之言天地至公之道也君子著書期不朽亦天地至公之道夫何讓哉是故不以道德仁義事其君者以盜賊事其君也不以道德仁義之衣食養其親者是盜賊養其親也閣下既以道德仁義事其君聞之天下久矣小子顯求閣下道德仁義之衣食以爲養也謂之中庸之道謂之中庸則敢求也謂之特達則不敢求也小子嘗衣食

宣武軍司馬陸大夫道德仁義之矣。陸公既沒，又嘗衣食此郡，前守吏部侍郎韋公道德仁義之矣。韋公既去，衣食亦去，道德仁義顯其主張，謹載是書及舊文。又有子遇之書，同乎緘獻，輕重可否，傾一言陳謝，誠異於異日不宣。郊再拜

又上養生書

天之與人，一其道也。天地不棄於人人，自棄於天。天可棄於人乎？曰：不可。人自棄也。已曰：人皆棄之乎？曰：賢人君子不棄也。凡人棄之，可。天有殺物之心，而無棄物之心。天有棄物之心，則萬

物莫能生矣。是故君子之于萬物，皆不棄也。而況於身乎？棄其身，是棄其後也。棄其後，是棄其先也。故曰：君子之道，豈易哉？敢不法天而行身乎？所以君子養其身，養其公也。小人養其身，養其私也。身以及家、家以及國、國以及天下，以公道養天下，則天下肥也。以私道養天下，則天下削也。養身之道，豈容易哉？養其公者，天道養也。養其私者，人情養也。以天道養其人，則合天矣。以人情養其人，則不合天矣。以人情養其人，自棄矣。天道質也，人情文也。天道靜也，人情動也。

質者生之侈也。靜者生之得也。動者生之棄也。文不以質勝之，則文爲棄矣。動不以靜制之，則動爲棄矣。天者水之謂也，人者魚之謂也。魚棄水則螻蟻得之矣，人棄天則疾病得之矣。魚可安于水而不可翫于水，其失也。在乎恣波浪而不廻也。人可安于天而不可翫于天，其失也。在乎恣嗜慾而不廻也。所謂安于天者，法天之味而食之，食不違于四時也。法天之聽而聽之，聽不違于五節也。法天之明而視之，視不違于五色也。食與視聽苟違于天，則疾病得之矣。故曰

君子法天而行身也。小人翫天而棄身也。書之座右，嵇康猶有所棄。秦之醫和，晉之杜蒯，其亦不書于右，則何以爲君子之座哉。良藥苦口也，苦口獲罪於人，苟或有矣。仁義之獲罪於天，未之有也。思養下將，遠辭違，書寫至誠之言，不勝惶悚之甚。不宣。郊再拜。

丙戌冬日校完此卷宋氏所有宋刻乃弘治間朱良育好
英舊物姑英有跋仍錄於卷末俾記
乾隆甲子孟冬下旬寓揚州新城馬氏叢書樓校過
吳興獨孤生姚世鈺記

此集得於後弟良佑字畫逼真宋刻也每當誦讀獨以不全
為恨既久借得對門朱性甫舊本抄足物於天性懶於作字故
集中鈔補者皆友人願善之筆也家塾子弟開馬見此亦可以
知此書之不易得云弘治甲子冬十月十日西嶼居士朱良育好英
此冊李木郎得於上海記據入都應隋店買笥中久已忘却
所此未見索乃移寫於茲刻凡六日而畢 藏園居士沈林氏
原校底本乃秦希劉問以此本字向有不同者加極字以別之

東野詩世傳汴吳鏤本五卷一百二十四篇周
安惠本十卷三百三十一篇別本五卷三百四
十篇蜀人蹇濬用退之贈郊句纂咸池集二卷
一百八十篇自餘不為編秩雜錄之家家自異
今總括遺逸摘去重複若體制不類者得五百
一十一篇釐別樂府感興詠懷遊適居處行役
紀贈懷寄酬荅送別詠物雜題哀傷聯句十四
種又以贊書二系于後合十卷嗣有所得當次
篇益諸十聯句見昌黎集章章於時此不著云
集賢校理常山宋敏求題